

四庫全書

經部

欽定四庫全書

讀春秋編卷四

宋 陳深 撰

閔公

名啓方莊公庶子母叔姜史記名開謚法在國遭難曰閔

元年

庚申

春王正月

案左氏去冬立閔公杜氏注於是年八歲母叔姜哀姜之姊亦齊女故哀

姜與慶父利其幼而立焉不書即位內不承國於先君上不請命於天子故不書即位正人道之大倫也

齊人救邢

穀梁傳善救邢也胡氏曰凡書救未有不善之也左氏傳狄伐邢管仲請桓公救邢於

是興救邢之師故春秋特書以與之其稱人將卑師少也

夏六月辛酉葬我君莊公

左氏傳亂故是以緩凡十一月乃葬

秋八月公及齊侯盟于落姑

落姑齊地左氏傳請復季友也齊侯許之使召諸

陳公次于郎以待之時閔公幼弱國人思得季子以靖難也

季子來歸

公羊傳其稱季子何賢也其言來歸何喜之也陸氏微旨曰季友之出不書何也慶父之

難季子力不能正違而去之權也君立見召而來義故也聖人善其歸不譏其去以明變而得力進退不違道也季子之賢內得於國人外聞於諸侯當時魯國大臣能奉閔公盟霸主請復季子不為無所見借重於齊則慶父有所憚而不敢圖之季子亦有所倚而可以歸矣

冬齊仲孫來

趙伯循曰非致成命也故不言使非專命故但曰來左氏傳齊仲孫湫子小切仲

孫名來省難蓋仲孫智謀之士使之來覘魯之虛實而以省難為辭其志蓋有在非盟非聘故但書曰來而

已字之者命大夫也齊桓坐視魯亂不修霸主之義以討篡弑之賊仲孫之來何補於魯致使慶父覬望非分之心不已而又再弑魯君何取其能霸也

二年

辛酉

春王正月齊人遷陽

陽國名漢志東海郡陽都縣

蓋齊人偪徙之移其

國於國中而為附庸齊桓為盟主將以治諸侯之不守王法者而乃以強力陵暴小國劫而遷之何以令諸侯哉故書人以貶之也

夏五月乙酉吉禘于莊公

趙伯循曰禘王者之祭也王者既立始祖之廟又推始

祖所自出之帝祀之於始祖之廟而以始祖配之也成王以周公有大勲勞賜魯重祭故得禘於周公之廟以文王為所自出之帝而周公配之然非禮矣孔子曰魯之郊禘非禮也周公其衰矣故禘雖先王之所賜而止

可用於周公之廟不可施於羣公禘言吉者喪禮二十五月而祥又兩月而禫然後以吉祭易喪祭今莊公之薨至此纔二十二月喪未三年主未遷祔而以吉禮盛樂行之何太早也于莊公者方祀于寢非宮廟也尤為非禮聖筆特書吉禘二字見僭禮之中又重失禮焉其貶之也至矣

秋八月辛丑公薨

左氏傳初公傳奪卜斷音蟻魯大夫田公弗禁共仲使卜斷賊公于武闕

宮中小門成季以僖公適邾實弑而書薨諱之也書薨以示臣子之至情不地以存見弑之實凡君終必書其所獨至於見弑則沒而無所其情厚矣其事亦白矣非聖人能修之乎繼此書夫人姜氏孫于邾公子慶父出奔莒則慶父弑夫人與焉明矣杜氏所謂微而顯者是也

九月夫人姜氏孫于邾

文姜殺其夫哀姜殺其子罪有輕重故文不得一稱孫者與聞

乎故也

公子慶父出奔莒

左氏傳成季以僖公聞公庶兄適邾共仲奔莒乃入立之成季以僖公入

魯立之以賂求共仲于莒莒人歸之及密使公子魚奚斯也請不許哭而往共仲曰奚斯之聲也乃縊慶父

與哀姜謀弑閔公欲自立而不遂蓋國人不與疾之者衆又聞齊桓使高子將南陽之甲將至於是夫人與慶父懷懼而出奔季子既立僖公緩追逸賊既而以賂求慶父于莒莒人歸之慶父彷徨無所自容不許其入蓋慶父之罪雖重季子以親親之恩故聽其自裁卒不能致辟於甸人以致其兩弑其君之討仍存孟氏之族與叔牙同無復輕重之別豈非邦憲之失故經不書討賊而閔不書葬也

冬齊高子來盟

高子齊大夫高篈也公羊傳不名喜之也何喜爾正我也魯比三君死曠年無

君桓公使高子將南陽之甲立僖公而城魯或曰自鹿門魯南城東門也至爭門者是也或曰自爭門至吏門者是也魯人至今以為美談曰猶望高子也久濶思相見引此為喻齊侯使高子來視魯而未定盟高子至則平魯難定僖公盟以安魯之心所謂寧魯而親之者春秋予其奉使知權故特稱高子以美之不稱使者高子之來有取魯平魯之命初無一定繼絕之計在高子為之故不曰齊侯使之也

十有二月狄入衛

衛自宣公上烝夷姜下納宣姜惠公庶兄公子頑又烝宣姜生齊子戴公


文公宋桓夫人許穆夫人淫亂之極人類無以異于禽獸天理滅矣至懿公失政狄入衛懿公及狄人戰于熒澤而敗死焉此淫亂之禍必至滅亡也宋桓公迎衛之遺民渡河西南立戴公申于漕是年卒立其弟燬是為文公於是齊桓合諸侯以城楚丘而遷衛馬齊雖使衛之忘亡而不能為之救患于危急之際聖筆書之亦所

以罪衛而  
病齊也

鄭棄其師

狄入衛衛在河北鄭在河南恐其渡河侵鄭故鄭文公使高克將兵於河上禦之然文公

本忌高克而不能遠使之將兵禦狄久而不召衆散而歸高克奔陳故公子素以為危國亡師之本作清人詩以刺之經書鄭棄其師言鄭自棄之爾所以罪鄭伯也





讀春秋編卷四

欽定四庫全書

經部

讀春秋編卷六

詳校官鴻臚寺少卿臣梁景陽

給事中臣溫常綬覆勘

覆校官中書臣田尹衡

校對官中書臣金光悌

謄錄監生臣俞鳳

欽定四庫全書

讀春秋編卷五

宋 陳深 撰

僖公

名申莊公庶子閔公兄母成風謚法小心畏忌曰僖

元年 壬戌春王正月

僖公內不承天主不書即位正王法也 不請命于

繼弒君子不言即位此非子也其稱子何臣子一例也

服皆斬衰故傳稱臣子一例

齊師宋師曹師次于聶北救邢

狄伐邢齊桓率諸侯之師以救之次于聶北者

杜氏謂按兵觀釁以待事也蓋齊桓懼狄而特重視其便利不遽決於一戰春秋書次譏其緩也禮救患當急

齊與諸國俱稱師必兵力之衆可救而不速進故邢潰出奔師然經書次不書緩以其終有救邢之功也聶北

杜氏注  
邢地

夏六月邢遷于夷儀

公羊作陳儀與地廣記河北邢州龍岡縣北有

夷儀嶺左氏傳諸侯救邢邢人潰出奔師師遂逐狄人具邢器用而遷之師無私焉閏二年傳邢遷如歸見

齊侯委任得人用兵齊整書邢遷謂其意欲遷而遷以定之也與逼遷而強取者不同

齊師宋師曹師城邢

邢畏狄而自遷于夷儀齊與諸侯

也雖不以王命興師是時中國衰微滅亡相繼天子不能正諸侯能救而存之則聖人亦與之也故胡氏曰以

王命興師者正能救而與之者權

秋七月戊辰夫人姜氏薨于夷齊人以歸

左氏傳閔二年哀姜孫于

邦齊人取而殺之于夷以其尸歸僖公請而葬之夫人  
在內薨有常處故止書薨在外則書地不言齊人殺諱  
之也哀姜淫亂而殺二君齊為魯討其梟而以喪歸蓋  
自夫姜弑夫逃辟而啓之也齊桓仗義而伯故哀姜慶  
父皆不能免使後之奸  
惡有所畏而不敢為也

楚人伐鄭

左氏傳楚人伐鄭鄭即齊故也  
楚今改號曰楚經書楚書人以其自此浸強

矣然猶君臣同辭終齊桓之世而不得與中國之會盟  
者齊桓能制其強也至僖十七年齊桓沒而宋襄霸楚  
始列于會盟不特書人乃  
以爵書亦由漸而至也

八月公會齊侯宋公鄭伯曹伯邾人于櫟

注音賴杜氏  
宋地陳國

陳縣西北有揜域今宛丘縣也左氏傳盟于揜音洛  
謀救鄭也聲即揜也地有二名此衣裳之會第六九合

第四會也是時楚伐鄭其勢方強齊  
會諸侯合謀救之慎重而不輕舉也

九月公敗邾師于偃杜氏注偃邾地八月公方與邾

以虛丘之戍將歸者也蓋邾人送哀姜還齊齊殺之公  
求諸齊齊送姜氏之喪邾懼乃歸公要而敗之不言邾  
侵我伐我又不言戰而遽書敗邾師以詐敗之幸勝也  
故書以譏之魯僖恃齊之親亦不畏齊之伯政遂敗與  
會之邾齊不之罪者以公親至揜邾以人會也僖之意  
莫非哀姜繇于彼故遷怒以敗其師然則邾何罪耶

冬十月壬午公子友帥師敗莒師于鄆獲莒挈女居反

魯地莒人來求歸慶父之賂而不與乃以兵至季友  
以偏師敗之獲莒侯之弟挈胡氏曰不能喻以辭命使

知不直以抑止之又用詐謀擒其主將故以友為主而書敗獲責之備也

十有二月丁巳夫人氏之喪至自齊

齊為霸主以哀姜與弑二君正其辜

殺之于夷義已絕而死不以正不可復入宗廟矣僖公請而葬之告廟而書至非義也死書姜氏喪至則去姜姓以惡之也而仍氏者不同乎文姜也文姜弑夫雖臣子得絕之矣哀姜殺子終不可以子故離母唯霸主得馬行

二年癸亥春王正月城楚丘

楚丘衛邑衛為狄所滅野處漕邑齊桓率諸侯城其邑俾之

立國德莫大焉木瓜之詩美之夫子蓋嘗錄之矣然春秋書城楚丘齊與諸侯略而不言若魯自城其邑又不言為衛何邪諸儒謂諸侯不得專封春秋不與之故不書呂氏曰非也專封者以此地封此人也諸侯有相滅

以其時天子不能令方伯不能救力能救而復之可也  
以是為專封是嫂溺援之以手而以為罪也陸氏謂魯  
城之非正也曷為無譏焉曰王政不行列國相殘齊桓  
為霸主存亡繼絕魯從其令亦所以自安也故通其變  
以示不失正也不書齊命為桓諱也不繫于衛  
示無所譏也若言城衛楚丘則彼我俱非也

夏五月辛巳葬我小君哀姜

僖公請之故純用小君禮而書葬也哀姜莊公之夫

人哀姜夫人之謚謚所以旌德夫人之所為如此而不得其死誠可哀也已

虞師晉師滅下陽

晉欲伐虢以屈產之乘垂棘之璧假道於虞虞公許之宮之奇諫不聽虞

貪寶而忘脣亡齒寒之勢乃起師為之嚮導故書虞師為戎首在晉師之上下陽虢邑也非國而曰滅重下陽也蓋下陽虞虢之塞邑其地險要失下陽則虞虢亡矣故書滅而其後不書滅虢  
晉與虞虢同姓之鄰國晉



大而虞虢小晉圖虢恐虞虢之相救故以貨啗虞而間其交虞不悟虢亡則虞亦亡因貪賂而迷焉春秋書之所以示虞之自取滅亡著晉獻凌小國滅同姓之罪也

秋九月齊侯宋公江人黃人盟于貫

公羊作貫澤江國在汝南安陽縣今

蔡州新息縣之地黃嬴姓國在汝南弋陽縣今光州定城縣也貫宋地今興仁府濟陰縣有貫城左氏傳盟

于貫服江黃也此衣裳之會第七九合第五會也江黃楚與國始來服齊但約宋與盟不煩諸侯也齊桓欲

服楚先服此二國以孤楚之勢以漸而致楚之來其慮事也遠矣此其所以成霸功也

冬十月不雨

穀梁傳不雨者勤雨也言不雨是欲得雨之心勤也明君之恤民

楚人侵鄭

左氏傳楚伐鄭鬬章囚鄭聃伯也楚自元年稱人不狄之比之小國也

三年甲子春王正月不雨夏四月不雨

穀梁傳不雨者勤雨也一時言不雨

者閔雨也

經一時輒言不雨要民之至閔憂也

有志乎民者也去冬及今年春夏之不雨陽亢也聖

筆屢書之著其君憂民之憂也若夫文公歷三時不雨而併書之故自十有二月不雨至于秋七月而書自正

月不雨至于秋七月而書見其不以民為憂而棄民事所以著其慢也

徐人取舒

杜氏注徐國在下邳僮縣東南舒國今廬江舒城縣舒附庸之國服屬於楚徐人取之

蓋陰附齊而為齊取也不然寧不畏楚之強況徐與舒相去甚遠非封境相接而欲廣其土地越竟而取其國

必有所恃而有所為也書取而不書滅不絕其祀也

六月雨

穀梁傳雨云者喜雨也喜雨有志乎民者也不雨而屢書見憂民之憂喜雨而特書見樂民

之樂故懼災恤民之意  
春秋書之以示訓也

秋齊侯宋公江人黃人會于陽穀

陽穀齊地今東平府  
須昌縣北此衣裳

之會第八九合第六會也江黃去年來盟今歲再會  
定伐楚之約也及四年齊會諸侯侵蔡伐楚而江黃不  
從行但守其境不動何耶此蓋齊桓令其自  
為犄角之勢以制勝克敵此桓之善為謀也

冬公子友如齊涖盟

左氏傳齊侯為陽穀之會來尋盟  
杜氏曰公時不會陽穀故齊侯自

陽穀遣人詣魯求尋盟魯使上卿詣齊受盟涖  
臨也就盟于齊臨涖之耳猶莊以涖之之涖也

楚人伐鄭

左氏傳楚人伐鄭鄭伯欲成孔叔不可曰齊  
方勤我勤恤鄭難棄德不祥齊之恤鄭至

矣鄭以囚聃伯之故欲從楚鄭臣懷之諫以不可忘德  
楚至此凡五侵伐鄭矣是以齊侯明年大舉以伐之

四年乙丑春王正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陘

蔡自北杏一會明年為楚入是時楚方強故齊

桓養其威力不肯輕出師以救之自是之後蔡黨于楚今齊會八國之師先事侵蔡蔡潰先披楚之黨也潛師掠境曰侵用奇兵也聲罪致討曰伐用正兵也遂以諸侯潰蔡之師伐楚威震而兵強楚於是大懼何敢嬰其鋒乎齊與諸侯之師乃次于陘陘楚地次止也止而不速進也恐速進則多傷士卒蓋欲臨之以威綏之以德楚子使屈完如師來求盟因而許之雖有諸侯而不用蓋霸者之師求以服人而已桓之此舉不戰而服楚是可紀其功也所惜者齊桓與管仲不知請命于天子擅合諸侯規模狹隘非天吏討臯之法也聖筆書遂者譏其專也書次于陘者著其師有節制能懾楚以定中國也

夏許男新臣卒

傳言卒于師陸渾以為非蓋召陵地屬潁川潁川今之順昌府長社縣去許密

通故許男疾而歸也故經不書卒于師而但書卒也

楚屈完來盟于師盟于召陵

屈完楚大夫之名氏通之者嘉其服義而進之也來

而不書使不與其同於盟會以嚴中外之分而重方伯之體屈完既至而桓公退師以禮楚與盟而不遂也於此見齊師雖強桓公能以律用之而不暴楚人已服桓公能以禮下之而不驕雖不足以盡王者之事夫子所謂一匡天下民到于今受賜實二百四十年甚盛之舉不得不序其績也

齊人執陳袁濤塗

袁左氏作轅今從公穀袁濤塗陳大夫也齊帥諸侯自陳而南至楚其

還師也陳恐齊亦由此道復有供給之費故令袁濤塗說桓公濱海而東服東夷且歸桓公於是還師濱海而

東大陷于沛澤之中顧而執濤塗齊侯以濤塗誤軍故執之胡氏曰陳大夫一謀不協其身見執其國見伐見侵桓公失在於量淺而器不宏也春秋稱人以執罪齊侯也

秋及江人黃人伐陳

程子曰齊命也穀梁傳不言其及之何內師也魯之師也左氏

傳伐陳討不忠也濤塗之事左氏與公羊傳不同如左氏則齊師仍由陳還但怒濤塗之言幾誤軍事耳若果由陳鄭而歸則何必魯及江黃伐陳又再勤七國之師乎以此考之則公羊大陷沛澤之說可信不然何齊桓怒陳之甚既伐而又侵之也

八月公至自伐楚

師出三時之久故必告而書至也

葬許穆公

冬十有二月公孫茲帥師會齊人宋人衛人鄭人許人

曹人侵陳

公孫茲叔牙子叔孫戴伯也

左氏傳叔孫

戴

伯帥師會諸侯之師侵陳

陳成歸轅濤塗

春秋書侵陳極貶之也齊桓服楚受盟而志頓驕陳

哀濤塗誤軍非惟臯其臣伐其君而又會七國侵之待

其服而已

五年

丙寅

春晉侯殺其世子申生

穀梁傳曰晉侯也公羊傳殺世子惡

母弟直稱君者甚之初晉獻公以世子申生為冢嗣後嬖驪姬姬欲立其子奚齊諧申生申生不辨被讒自

縊陸渾曰申生有愛父之心而陷父於不義使讒人得志國以大亂諺所謂小仁大仁之賊也春秋罪獻公正

其本也獻公寵驪姬嬖庶孽迷於欲而忘反蔽讒賊而不知輕世適之重以自禍其家國中生死未幾而公卒

奚齊卓子亦被殺晉亂二十餘年董子所謂為人父而蒙首惡之名者聖筆專罪晉侯以為有國者之鑒也

杞伯姬來朝其子伯姬來寧成風也其子十歲隨母以來朝公也杞伯在其子幼而令行朝

禮失正也春秋書以參譏之也

夏公孫茲如牟

左氏傳公孫茲如牟娶焉茲如子

公及齊侯宋公陳侯衛侯鄭伯許男曹伯會王世子于

首止

首止公穀作首戴杜氏注陳留襄邑有首鄉襄邑今屬拱州此衣裳之會第九合第七會也王

世子惠王之太子鄭也惠后死繼后生叔帶欲立之齊桓以王廢長立幼溺愛不可以諫遂率諸侯會王世子于首止示天下戴之以為天王之貳所以尊國本絕亂階也於是世子之位定而周以寧故春秋善之是時王



室衰微諸侯不貢覲齊桓率諸侯以尊世子是即尊天子也天子聞之寧不樂諸侯之推戴其子而不易其位君臣父子之道得矣故漢之四皓從太子而惠帝之位定周之諸侯會世子而襄王之位定皆納約自牖之義竊疑子房用齊桓之遺意也春秋書及以會若王子在是諸侯咸往會焉特殊其會所以尊君而抑臣也

秋八月諸侯盟于首止

公羊傳諸侯何以不序一事而再見者前目而後凡也穀梁傳

秋八月諸侯盟于首止公羊傳諸侯何以不序一事而再見者前目而後凡也穀梁傳

會齊桓亦所以尊天王之命也世子受之可乎是亦變之正也天子微諸侯不享覲世子受諸侯之尊已而天王尊矣世子受之可也此盟蓋會世子之禮已畢約諸侯以同戴世子謂自今盟後不可違盟而反助惠王廢世子也世子天下之本一搖則亂謀于未亂所以寧周此春秋之義舉也

鄭伯逃歸不盟

此意后欲易世子意王徇其意故聞齊桓此舉反不以為悅左氏傳王使周公

宰孔也

召鄭伯曰吾撫汝以從楚輔之以晉可以少安王恨齊桓定太子位故召鄭伯使叛齊也晉楚不服于

齊故以鎮安鄭

逃歸不盟孔叔止之曰國君不可以輕輕則失親失親

患必至病而乞盟所喪多矣君必悔之弗聽逃其師而歸傳例曰逃義曰逃逃者匹夫之事鄭伯內牽私命

外欲與楚故不盟而逃春秋書之極致其貶桓公不帥諸侯以討鄭則天下無心于尊周則不知所懲矣

楚人滅弦弦子奔黃

杜氏注弦國在弋陽縣東南地譜光州光山縣左氏傳楚闕穀

於菟滅弦弦奔黃於是江黃道柘方睦於齊皆弦姻也弦子恃之不事楚又不設備故亡泰山孫氏曰此言楚人滅弦者惡齊桓之不能救也故弦子不名十年狄滅溫十二年楚人滅黃同此黃弦同壤黃受弦子之奔故十二年楚滅黃原於齊桓不能救弦遂啟其園許鄭之紛紛有憑陵諸夏之意春秋書滅弦舉桓也

九月戊申朔日有食之

冬晉人執虞公

左氏傳晉侯復假道於虞以伐虢宮之奇諫曰虢虞之表也虢亡虞必從之晉

不可啓寇不可翫一之謂甚其可再乎諺所謂輔車相依唇亡齒寒其虞虢之謂也弗聽許晉使八月晉侯圍上陽滅虢虢公醜奔京師師還館于虞遂襲虞滅之執虞公二年書虞師晉師滅下陽五年書晉人執虞公

虞方為晉伐虢甫三年而晉滅虢虞亦滅不言晉之滅虞見虞之自取也此可為嗜目前之利而忘後患者之鑒然晉之用心亦險矣春秋書人以執惡晉侯也

六年

丁卯春王正月

夏公會齊侯宋公陳侯衛侯曹伯伐鄭圍新城

杜氏注新城鄭

新密滎陽密縣今屬鄭州左氏傳諸侯伐鄭以其逃首止之盟故也圍新密鄭所以不時城也實新密而經言新城者鄭以非時興土功齊桓聲其罪以告諸侯以諸侯之力圍鄭新邑久而不舉蓋欲待其自服也鄭不即服故書伐又書圍著鄭伯之罪也

秋楚人圍許諸侯遂救許

楚圍許蓋攻其所必救以解鄭圍楚之計欲恩鄭以來之

也齊移諸侯之師以救許所以抑暴而救患不得不墮楚之計中然齊卒不討楚之圍許亦畏其強而不輕舉也春秋書遂善之也

公至自伐鄭

不言救許大伐鄭也師出踰三時之久故致也

七年戊辰春齊人伐鄭

鄭伯南與楚合故齊復伐之力自足以制鄭故不會諸侯稱人將卑

也師少

夏小邾子來朝

小邾子附庸國即邾犁來也莊公五年嘗來朝後從齊桓尊周室王命以為小

子邾

鄭殺其大夫申侯

案左傳鄭以陳袁濤塗之譖內惡申侯故托以申侯自楚奔鄭故不忘楚

嘗誤鄭背齊從楚於是殺之以說齊將以求甯母之盟  
春秋書國以殺貶其擅殺之罪然申侯專利而不厭嘗  
城其賜邑甚美是  
皆有以致之也

秋七月公會齊侯宋公陳世子款鄭世子華盟于甯母

杜氏注高平方音房與音預縣有泥母亭音興甯同  
管仲言於齊侯以德與禮懷諸侯令諸侯各受方所貢

天子之物鄭伯使世子聽命于會言于齊侯欲去洩氏  
孔氏子人氏三族乃事齊為內臣齊侯辭焉蓋鄭伯猶  
未誠服先使世子來以嘗之也至明年洮之會鄭欲與  
而不得始乞盟焉此衣裳之會第十九合第八會也

曹伯班卒

班公羊  
作般

公子友如齊

杜氏注罷盟而  
聘謝不敏也

冬葬曹昭公

八年己春王正月公會王人齊侯宋公衛侯許男曹伯

陳世子款盟于洮鄭伯乞盟

杜氏注洮曹地之會第一王人下士微者

此兵車

也序乎諸侯之上尊王命也案左氏傳七年閏月惠王崩襄王惡大叔帶之難懼不立不發喪告難于齊八年

盟于洮謀王室也襄王定位而後發喪

後王位定乞者卑遜自屈之辭也鄭伯始逃盟而今求

盟惟恐齊之不與盟故特書曰乞郟之也

夏狄伐晉

左氏傳晉里克敗狄于采桑

前年事也平陽北屈縣有采桑津八年夏狄伐晉報采桑之

役也狄浸強伐邢滅衛既已得志今又伐晉其後滅溫侵衛齊桓為盟主何置之度外令其肆行無所忌憚

也

秋七月禘于大廟用致夫人

得禘王者之大廟大祭非魯之所

也穀梁傳范氏注劉向曰夫人成風也致之于廟立以

為夫人穀梁傳用者不宜用也致者不宜致也言夫人

必以氏姓言夫人而不以氏姓非夫人也立妾之辭也

夫人者正嫡之稱謂非宗要之嘉號以妾體君則上無

別欲尊其母實卑其父故曰非正也孫氏曰嫁非廟見

不得與祭僖公欲尊其母因秋禘用夫人之禮致于大

廟使之與祭也妾母稱夫人僭

之大者故不言風氏以貶之

冬十有二月丁未天王崩

惠王也左氏傳王人來告

以前年閏月崩以今年十二月丁未

告師氏曰不書葬魯不會葬故也



九年

庚午

春王三月丁丑宋公御說卒

左氏傳春宋桓公卒

夏公會宰周公齊侯宋

襄子

衛

文

侯鄭

文

伯許

傳

男曹

其伯于葵丘

宰冢宰周公名孔王之三公周采地天子三公不字宋子襄公也在喪稱子葵丘宋

地陳留外黃縣今開封雍丘縣

九合第九會也左氏傳會于葵丘

此衣裳之會第十一尋盟且修好禮也

王使宰孔賜齊侯胙故葵丘之會為甚盛

秋七月乙酉伯姬卒

內女也公羊傳未適人何以卒許嫁矣婦人許嫁字而笄之死則以

成人之喪治之不以殤禮降也

九月戊辰諸侯盟于葵丘

陸氏微旨曰盟稱諸侯前目後凡之義且明周公之不與

盟禮也天子無疑諸侯之理孟子曰五霸桓公為盛葵丘之會諸侯束牲載書而不歆血初命曰誅不孝無易樹子無以妾為妻再命曰尊賢育才以彰有德三命曰敬老慈幼無忘賓旅四命曰士無世官官事無攝取士必得無專殺大夫五命曰無曲防無過糴無有封而不告曰凡我同盟之人既盟之後言歸于好言齊桓以正率人壹明天子之禁諸侯咸諭乎桓之志春秋所未有故再書葵丘以美之

甲戌晉侯佹諸卒

晉獻公也甲戌左氏作甲子佹公穀作詭

冬晉里克殺其君之子奚齊

不書被弑是國人皆不欲立而里克殺之也克固不

能無罪以經之書法視之不可以弑君之罪加之也故穀梁氏曰其君之子云者國人不子也國人不子何也不正其殺世子申生而立之也竊詳聖人之微旨正所以明獻公之罪而為後世為人君者之鑒也

十年

辛未

春王正月公如齊

公始朝齊也

狄滅溫溫子奔衛

杜氏注

狄蓋中國之狄溫子周司寇

傳狄滅溫蘇子無信也蘇子叛王即狄又不能狄狄伐之王不救故滅蘇子奔衛溫畿內諸侯狄得而滅之

方伯不能救是縱狄肆行於中夏矣溫子出奔不名與譚弦同

晉里克弑其君卓及其大夫荀息

卓公羊作卓子里克初告世子申生曰

子懼不孝無懼弗得立可謂正論及驪姬將弑世子難里克謀於優施飲里克酒為烏鳥集枯之歌以感動里克克克聽其謀欲中立以自免稱疾不朝驪姬遂得成其奪嫡之計及獻公卒克殺奚齊又殺卓子其志欲納重耳耳納重耳此固克之有識以重耳之宜為君也然當申生未死之前不能守正以諫乃苟容以自圖及庶孽既

立克又不以先君之遺命而遽殺之春秋正名書弑克  
不得辭矣故為人臣不知春秋之義必陷于篡弑之罪  
也荀息傳二庶子雖云從昏然能不失信於先君故春  
秋重其死節而不失其官此可見聖人與奪輕重之權  
矣衡

夏齊侯許男伐北戎

北戎杜氏注山戎也  
年北戎侵鄭桓六年北戎伐齊莊

左傳隱九

三十年齊人伐山戎北戎屢肆侵暴固當伐然方今狄  
楚恣橫伐國滅國相繼齊桓為盟主置而不圖乃遠伐  
北戎何耶昔伐戎  
稱人今乃稱爵

晉殺其大夫里克

左傳齊隰朋帥師會秦師納惠公夏  
周公忌父王子黨會齊隰朋帥師立

晉侯晉侯殺里克以說自解說不篡將殺里克使謂之  
曰微子則不及此雖然子弑二君與一大夫為子君者

不亦難乎對曰不有廢也君何以興欲加之罪其無辭乎臣聞命矣伏劒而死里克殺奚齊弑卓子與一大夫荀息春秋不以討賊之辭殺之又稱國以殺謂君不以罪殺之罪累上也其事與專殺大夫同蓋克之所為弑志在立重耳也夷吾立懼其殺二君也又將及我遂殺之春秋以其殺之不以罪稱國而不去其官書之所殺之也春秋不若是書也當如衛人殺州吁齊人殺無知之類稱人以殺之謂一國之人為可殺去族以殺之矣

秋七月 冬大雨雪

雨于付反  
公羊傳作雨雹

十有一年

壬申春晉殺其大夫平鄭父

左氏傳平鄭之如秦也言于秦伯曰

呂甥卻稱冀為實為不從若重問以召之臣出晉君君納重耳蔑不濟矣冬秦伯使泠至報問且召三子卻為

曰幣重而言甘誘我也遂殺平鄭祁舉及七輿大夫穀梁傳稱國以殺罪累上也蘇氏曰平鄭里克之黨也惠公既殺里克不鄭言于秦伯曰請出晉君而納重耳鄭則有罪矣然鄭之謀由殺里克致之也故稱國以殺言過君亦過也

夏公及夫人姜氏會齊侯于陽穀陽穀齊地公會齊侯而以夫人與於其間  
非禮也書之所以參譏之也夫人聲姜也

秋八月大雩

禮龍見而雩常祀不書書者以旱也穀梁傳得雨曰雩不得雨曰旱

冬楚人伐黃

齊桓伯業初威江人黃人嘗慕義而來僖二年與盟于貫三年會陽穀及齊伐楚則

為犄角之勢又從齊伐陳所恃齊大國十年盟好之久今一旦黃為楚伐被兵城守三時齊桓坐視而不救見

桓之伯業  
自此衰矣

十有二年

癸酉

春王三月庚午日有食之

夏楚人滅黃

穀梁傳貫之盟管仲曰江黃遠齊而近楚楚為利之國也若伐而不能救則無以宗

諸侯矣桓公不聽遂與之盟管仲死楚伐江滅黃桓公不能救故君子閔之胡氏曰國滅死于其位得正而斃於禮為合書滅者見楚人之強罪諸夏之弱責方伯連率之不修其職使小國賢君困于強暴不得其所公羊子所謂亡國之善詞上下之同力者也

秋七月

冬十有二月陳侯杵臼卒

十有三年

甲戌

春狄侵衛

夏四月葬陳宣公

公會齊侯宋公陳侯衛侯鄭伯許男曹伯于鹹

杜氏注  
鹹衛地

東郡濮陽縣東南有鹹城

此兵車第二會也

左氏

傳淮夷病杞故且謀王室也秋為我難故諸侯戍周齊

仲孫湫致之

十一年傳揚拒泉皋伊雒之戎同伐京師  
王于帶召之也十二年傳王以戎難故討王于帶王于

帶齊

齊

秋九月大雩

冬公子友如齊

凡三見三年涖盟

十有四年

乙亥

春諸侯城緣陵

緣陵杞邑

而遷

左氏傳諸侯

遷杞馬避淮夷



遷之都于郢陵公羊傳曷為不言桓公城之不與諸侯  
專封也胡氏曰齊桓城三國而書詞不同城楚丘則沒  
諸侯而不書城緣陵則書諸侯而不序城邢則再序三  
國之師何也邢以自遷為文故再列三師而城邢者美  
其得救患分災之義無封國之嫌也淮夷病杞諸侯會  
于鹹城緣陵而遷杞焉其事專矣故前目後凡直書諸  
侯而不序也衛為狄滅東徙渡河野處漕  
邑桓公城楚丘而不書諸侯正王法也

夏六月季姬及鄆子遇于防使鄆子來朝杜氏注鄆國  
今琅邪鄆縣

鄆似綾切季姬魯女也書字未適人也若子叔姬是  
也已嫁必繫國明有所從如紀伯姬是也此上未見書  
季姬歸于鄆而今遽書季姬及鄆子遇于防季姬鄆子  
曾不待父母之命媒妁之言陰為期會一旦遇于防此  
即野有蔓草邂逅相遇之意既已遇矣季姬遂使鄆子  
來朝使來請已為妻也朝不言使言使非正也以病鄆

子也此意出於季姬故事及書使以著其惡書遇以明  
節子從季姬期而來非素不知也或以僖公鍾愛其

女使自擇配故得與節子遇于防而使之來請也其失  
禮甚矣非所以謹男女之別也書之所以臯魯僖歟

秋八月辛卯沙鹿崩

杜氏注沙鹿晉地名平陽元城縣有沙鹿土穀梁傳林屬於山為

鹿沙山名何氏注鹿山足也左氏傳沙鹿河上之邑其言  
曰期年將有大咎幾亡國公羊傳沙鹿河上之邑其言

崩襲邑也注襲者嘿陷入地中言崩者以在河上也河  
岸有高下如山有地矣故得言崩襄陵許氏曰恒星不

見星隕如雨齊桓之祥也沙鹿崩晉文之祥也齊桓  
將興而天文隔晉文欲作而地理決王道之革也

狄侵鄭

狄自入衛伐邢滅溫至是侵鄭肆行而無忌  
憚莫有攘之者書此所以志桓之志哀矣

冬蔡侯貜卒

是年晉饑乞糴于秦

十有五年

丙子

春王正月公如齊

十年嘗朝齊矣至是五年再相朝禮也

楚人伐徐

楚在江南都郢發兵伐徐徐在山東相去甚遠又近齊略不畏憚方伯之援師深入徐境

其強暴可知矣必窺見桓之怠逆料齊之救必不速故敢爾

三月公會齊侯宋公陳侯衛侯鄭伯許男曹伯盟于牡

丘遂次于匡公孫敖帥師及諸侯之大夫救徐

地與匡

近杜氏注匡衛地在陳留長垣縣西南公孫敖慶父之子左氏傳盟于牡丘尋葵丘之盟且救徐也孟穆伯

帥師及諸侯之師救徐諸侯次于匡以待之此兵車第三會也言次者譏諸侯之緩又不自往遣大夫行故

卒不解也書此以見桓之德衰而志怠也是年齊管仲隰朋皆卒

夏五月日有食之

不書朔與日官失之也

秋七月齊師曹師伐厲

左氏傳伐厲以救徐也杜氏注厲楚與國義陽隨縣北有厲鄉

八月螽

公羊作螻

九月公至自會

齊桓會諸侯魯未嘗書至惟此書至暴師過三時之久危之也

季姬歸于鄆

前年夏季姬及鄆子過于防而今方歸于鄆子以見淫奔而後成禮直書之而鄆子

季姬之罪自見而魯僖之愧亦不可掩也

己卯晦震夷伯之廟

左氏傳震夷伯之廟罪之也於是展氏有隱慝焉夷伯魯大夫也夷

謹伯字展氏之祖父大夫既卒書字震者雷電擊之程氏遺書曰大抵春秋所書皆天人響應有致之之道如

石隕于宋而言隕石如夷伯之廟震而言震夷伯之廟此天應之也但人以淺狹之見以為無應其實皆應之然漢儒推災異皆牽合不足信儒者見此因盡廢之

冬宋人伐曹

莊十四年北杏之會齊會陳曹伐宋今宋伐曹左氏謂修舊怨也後宋與曹既已屢

盟今宋無故而忽伐曹宋可罪也所以人之

楚人敗徐于婁林

婁林杜氏注下邳僮縣東南有婁亭今泗州臨淮縣救徐之師皆諸侯

之大夫不用其情伐厲欲攻其所必救以解徐難俱無所濟楚深入吾境以諸侯之師救徐而楚反敗之何示弱也書之所

以媿齊也

十有一月壬戌晉侯及秦伯戰于韓獲晉侯

九年秦齊會師納晉

侯晉侯許駘中大夫既而皆背之賂秦伯河外列城五  
既而不與晉饑秦輸之粟秦饑晉閉之糴故秦伯伐晉  
經不書伐專罪晉侯之背施幸災貪愛怒鄰而怒秦伯  
也秦直故勇晉曲故老晉侯師敗身執而大辱國也君  
獲不言師敗績君重於師也秦舍晉  
君于外已而歸諸晉故不言以歸也

十有六年

丁丑

春王正月戊申朔隕石于宋五是月六鷁

退飛過宋都

左氏傳隕石于宋五隕星也六鷁退飛過宋都風也程子曰隕石于宋自空凝結而

隕六鷁退飛

倒逆飛也必有氣驅之也

書是月者隕

石之月所以別非戊申之日爾鷁飛無常不可定以日

故言是月宋人以為災告於諸侯故魯史書之聖人因

災異以明天人感應之理而著之於經為後世戒星陽

之象見于上而動忽隕而為石石陰之類墜于下而靜

是陽化為陰動極而靜精氣返為頑礦其齊桓伯業衰

微將終之兆也獨見於宋者齊桓終而宋始伯也然宋無其德故天見災異之象于其地以警悟之也而宋不知警鷁水鳥遇風退飛欲進反退倒逆而飛其宋襄欲伯反為楚辱之兆也明年齊桓卒而宋伯至五年有孟之執六年宋為楚所敗不數月被創而卒亦如五石六鷁之數天之示人顯矣

三月壬申公子季友卒

友名也季字也大夫卒稱名今書字蓋僖公以公子友援立之

功生而賜氏俾世其卿非禮也初曰季子來歸季氏自此興矣今曰季友卒季氏自此盛矣季氏盛而魯衰矣書以譏之者豫為之戒也

夏四月丙申鄆季姬卒

春秋內女適諸侯者書卒

秋七月甲子公孫茲卒

茲叔牙子也

冬十有二月公會齊侯宋公陳侯衛侯鄭伯許男邢侯

曹伯于淮

左氏傳謀鄆且東略也鄆為淮夷所病故淮杜氏注臨淮郡左右臨淮郡今泗州城鄆

役人病有夜登丘而呼曰齊有亂不果城而還此兵車第四會也

十有七年

戊寅

春齊人徐人伐英氏

左氏傳以報婁林之役也英楚與國齊為

徐興師不伐楚而伐英畏強凌弱也其伯業之衰乎

夏滅項

秋夫人姜氏會齊侯于卞

杜氏注項國汝陰項縣卞魯國卞縣

今襲慶府泗水縣

左氏傳師滅項經不言師諱之

杜氏曰師魯師公在會別遣師滅項

之事未歸而取項齊人以為討而止

公內諱執皆言止秋聲姜以公故會齊侯于卞聲姜僖公夫人齊女以夫



人而會齊侯雖曰齊之女非正也齊侯會之亦不可  
又不當使之往參譏之齊以魯擅滅項而止僖公不  
遠會婦人于魯地此管仲  
既亡桓公志荒之政也

九月公至自會杜氏曰公既見執于齊猶以會至者諱之

冬十有二月乙亥齊侯小白卒左氏傳齊侯之夫人三王姬徐嬴蔡姬皆無子

齊侯內嬖如夫人者六人長衛姬生武孟公子無虧少衛姬生惠公元鄭姬生孝公昭葛嬴生昭公潘密姬生

懿公商人宋華子生公子雍公與管仲屬孝公於宋襄公以為太子雍巫有寵公許之立武孟管仲卒五公子

皆求立冬十月乙亥齊桓公卒易牙入與寺人貂因內寵以殺羣吏而立公子無虧孝公奔宋十二月乙亥赴

辛巳殯六十七日乃殯東萊呂氏曰桓公雖能用管仲攘夷狄霸諸侯有一匡天下之功然仲本無正心誠意

格君之學徒急于一時之功利卒致五子之亂其所以有始無終者家法不正也管仲且有三歸之失豈能正其君哉

十有八年

巳卯

春王正月宋公曹伯衛人邾人伐齊

左氏傳宋

襄公以諸侯伐齊

欲納孝公

三月齊人殺無虧

以說宋

案左傳齊侯嘗與管仲以公子昭即孝公托孤於宋公

則是生前已定昭為世子矣桓公因嬖寺貂易牙以樹禍本衛姬謀立其子無虧結二嬖及桓卒遂至羣公子

爭立齊亂初桓公與管仲豈不欲豫立長子無虧意必庸謬故思其次以公子昭托之於宋宋受其托後公子昭

奔宋故宋合諸侯兵伐齊以納昭齊方立無虧三月齊人殺之見無虧不能君也宋公受齊之托立昭不以其

私故殺梁謂非伐喪也

夏師救齊

魯誠欲恤鄰，曷不論齊以定？孝公又從而以師是助作亂之羣子抗宋也。經不書公救齊，

而但曰師救齊，下又書狄救齊，所以愧魯之所為與狄等也。言救非所救也。

五月戊寅，宋師及齊師戰于廩丘，齊師敗績。

廩齊地，左氏傳齊人將

立孝公不勝。四公子之徒遂與宋人戰，無虧已死。故曰四公子。

狄救齊

狄何以利動來救齊者？安知非四公子之徒往求之也？春秋據其實，書之也。

秋八月丁亥，葬齊桓公。

桓公卒五公子爭立，以故宮中空，莫敢棺。公尸在牀上六十七

日尸蟲出于戶。十二月乙亥，無虧立乃棺。赴辛巳夜斂。九月而葬。亂故八月無虧丁亥日設。

冬，邢人狄人伐衛。

邢晉為狄所伐，遷夷儀而幾亡。賴齊桓救而城之以復其國。今何忘怨會。

狄同伐衛故春秋亦書人以賤之也狄稱人何亦以累漸而至于彊爾與楚稱人同邢則賤焉狄則人之進之也邢亦何知不過齊桓嘗有城邢之恩欲報之故與狄同伐衛所以救齊也邢小國不知所以自守而擅興兵以伐人之國故終為衛所滅爾

十有九年

庚辰

春王三月宋人執滕子嬰齊

滕介宋齊之間自與幽之

會已三十七年矣中間衣裳兵車之會未嘗一至宋襄繼起又不能事大國其見執宜矣春秋書名所以罪之也宋非有德義服人肆已之強一會而虐二君非伯討也執雖以罪不歸于京師惡其專也故春秋書人以貶之

夏六月宋公

公羊作人

曹人邾人盟于曹南

此宋襄盟之始也二國不親至

使其大夫來曹猶不服盟不國地而于曹之南所以及秋而見圍宋襄始盟而曹已異趣無以服人心矣

鄆子會盟于邾鄆子不及曹南之盟諸侯既罷而會之于邾故書曰會盟于邾

己酉邾人執鄆子用之鄆子雖來後猶愈於不來也邾子何肆其暴虐以說宋乃執而

用之次睢之社睢水之次有妖神東夷皆社祠之蓋叔人而用解左氏傳以宋公使邾子劉氏以為不然曰鄆

子為季姬所使而朝魯春秋猶書使鄆子來朝豈宋公使之用鄆子于社而經不書乎愚案邾子於宣十八年

戕鄆子于鄆其惡鄆若此之酷宋公于戰尚不肯禽二毛安肯用鄆以祭此蓋邾附勢為之故聖筆直書其罪

以貶之也

秋宋人圍曹左氏傳討不服也子魚司馬子魚公子目夷也言于宋公曰丈王聞崇德亂而伐之

軍三旬而不降退修教而復伐之因壘而降詩曰刑于寡妻至于兄弟以御于家邦今君德無乃猶有所闕而以伐人若之何盍姑內省德乎無闕而後動宋圖霸業欲服諸侯先自近始方與曹盟未幾即叛近宋莫如曹滕宋公一出執滕不足以示威盟曹不足以示信不思子魚省德之論徒欲速合諸侯而無遠略宜其無成敗也

衛人伐邴

左氏傳衛人伐邴以報菟園之役邴不自量其名兵宜也

冬會陳人蔡人楚人鄭人盟于齊

左傳陳穆公請修好

於諸侯以無忘齊桓之德冬盟于齊修桓公之好也枉氏注地于齊齊亦與盟楚欲抗衛於中國久矣齊桓能制其強故不得與中國之會盟及桓志少衰滅黃敗徐駸駸猾夏然猶有所懼也桓公歿而宋襄繼伯不能

服諸侯故楚假不忘桓德之說求參與中國之盟會而行其志陳蔡及鄭近楚素所服者故先受其謀齊孝公不能繼志魯僖忘周公荆舒是懲之訓遂與之盟明年鹿上之盟及孟之會因執宋公以伐宋故春秋諱魯而人諸侯以謹楚人與盟之始也

梁亡

梁嬴姓國伯爵虞伯翳之後梁地今屬同州韓城縣左氏傳梁亡不書其主自取之也初梁伯好

土功亟城而弗處民罷而不可堪則曰某寇將至乃溝公宮溝塹曰秦將襲我民懼而潰秦遂取梁公羊傳此未

有伐者其言梁亡何自亡也其自亡素何魚爛而亡也何氏曰魚爛自內發

二十年

辛巳春新作南門杜氏注魯城南門也本名稷門

同改名高門言新者蓋舊有而更新為之也作者創造而非因仍也穀梁謂有如其度也春秋凡有興作苟

非所當為則必書聖人重民力故也南門如不可不作則與津宮閼宮同不書矣蓋興學校以教民復閼宮以事祖考有國者之先務固不必書也今書新作南門正閼子所謂仍舊貫如之何何必改作者故特書以示譏也

夏郛子來朝

郛姬姓國後漢志濟陰城北有郛城公羊傳郛子者何失地之君也何以不名兄弟

辭也

郛魯之阿姓故不忍言其姓

隱十年鄭伐宋取

郛歸于魯以此知郛為宋有在春秋前至桓二年宋以郛鼎賂魯蓋宋取郛時所得者及此又九十餘年矣而子忽來朝魯公羊所謂失地之君蓋非昔之郛君郛君之子孫也以同姓故來親書之者亦喜內見歸也

五月乙巳西宮災

杜氏注西宮公別宮也天火曰災公羊傳西宮者何小寢也小寢曷為謂



之西宮有西宮則有東宮矣魯子曰以有西宮亦知諸侯之有三宮也西宮災何以書記災也

鄭人入滑

左氏傳滑人叛鄭而服於衛夏鄭公子士鄭文公子洩堵寇鄭大夫帥師入滑滑秦之

邊邑隣於鄭鄭從楚以楚可恃故陵其邊邑而入之春秋書人以罪之也

秋齊人狄人盟于邢

左氏傳齊狄盟于邢為邢謀衛難也於是衛方病邢衛報邢之師

未已齊不能會諸侯相與圖之乃與狄盟豈先志也狄能從齊恤患救災故人而進之齊亦人之與狄同貶之也

冬楚人伐隨

左氏傳桓六年楚侵隨楚與成馬隨季梁諫隨侯修政楚不敢伐八年楚伐隨敗隨

隨及楚平今隨不自量欲復漢東與諸侯叛楚楚方彊是召其伐而自屈也

二十有一年

壬午

春狄侵衛

杜氏曰為邢故楚狄數出民受其害狄侵衛故但書狄

削而不人之也

宋人齊人楚人盟于鹿上

杜氏注鹿上宋地汝陰有原鹿縣宋主盟故在齊楚上

時宋襄欲伯而無伯略而乃與楚盟中外雜處豈所謂伯春秋所以列序而人之以著宋襄志大而識淺自取敗辱也

夏大旱

杜氏注雩不獲雨故書旱自夏及秋五稼皆不收

秋宋公楚子陳侯蔡侯鄭伯許男曹伯會于孟執宋公

以伐宋

杜氏注孟宋地楚始與中國行會禮故稱爵左氏傳諸侯會宋公于孟子魚曰禍其在此乎

君欲已甚其何以堪之公羊傳執宋公以伐宋孰執之  
楚子執之曷為不言楚子執之不與夷狄之執中國也  
宋公與楚子期以乘車之會公子目夷諫曰楚夷國強  
而無義請君以兵車之會往宋公曰不可吾與之約以  
乘車之會自我為之自我墮之曰不可楚人果伏兵車  
執宋公以伐宋宋襄知不能識楚之詐其往會也不  
納目夷之諫愚而自用輕以其身陷於豺虎以取執辱  
諸侯見楚執會主而無一人伸義以正曲直之分故春  
秋以諸侯同執為文以譏之也

冬公伐邾

杜氏注為邾滅須句音勅  
故須句在東平須昌縣

楚人使宜申來獻捷

楚以詐執宋公伐宋宋服故來獻捷孟之會魯雖不與楚假此夸大

以威魯也上書執宋公此書楚獻捷以明楚之執矣魯拒其使而不受請於天王討之可也僖公畏其強安能

為是舉也春秋不書曰宋捷為宋諱不與夷之詐也

十有二月癸丑公會諸侯盟于薄釋宋公薄史記作毫漢山陽薄縣

湯所都也古字通用宋與楚初無怨隙楚因會以詐執之伐宋其志蓋欲伯也楚之計以宋大國猶為我執之諸侯不待盟而自服矣諸侯若能使宋人征繕而修文告之辭明宋之直正楚之罪則楚義愧情屈而歸宋公矣今魯僖不知仲中國之正理反與五國為會求盟于楚以請宋公而後得釋正墮楚人之計中春秋不書會楚子而曰會諸侯不與楚專釋也亦不與楚主是盟也然其執其釋權皆出於夷已偵甚矣聖人全中國之體故諱之蓋以為中國之大恥而罪魯與諸侯反為楚所制視中國為無人矣

二十有二年癸未春公伐邾取須句

音劬左氏傳任宿須句顓臾風姓也實

司大皞與有濟之祀大皞伏羲也四國伏羲之後故主其祀任今任城縣也顯更在大山南武陽縣東北須句

在東平須昌縣西北四國封近濟故世祀之以服事諸

夏邾人滅須句須句子來奔因成風也須句成風家成

風為之言於公曰崇明祀保小寡周禮也蠻夷猾夏周禍也邾雖曹姓迫近戎狄難用更禮若封須句是崇皞

濟而修祀紆禍也春伐邾取須句反其君焉公伐邾

復須句之國春秋何不善之仍書取焉何也不請王命

擅取人國而返其君以亂易亂何異於他日之伐取也

夏宋公衛侯許男滕子伐鄭左氏傳三月鄭伯如楚夏宋公伐鄭子魚曰所謂禍

在此矣宋襄近為楚執辱得釋而歸當悔過自艾修德布政以自強國歸甫三月遽興伐鄭之師鄭已服楚

楚必救之是自召其伐也

秋八月丁未及邾人戰于升陘

陘音邢杜氏注升陘魯地左氏傳邾人以須

句故出師公卑邾不設備而禦之臧文仲曰國無小不可易也無備雖衆不可恃也君無謂邾小蠱蠱有毒而

況國乎弗聽八月公及邾師戰于升陘我師敗績邾人獲公胄縣諸魚門邾城門記檀弓云邾婁復之以矢蓋

自戰升陘始也謂邾雖勝死傷亦甚無衣可以招冤以矢招之也經書及公戰也不言公不書敗為內諱也

魯不務德好戰以陵小國不恤諒以致敗幾殲其身邾亦不自量而與大國角力所喪多矣豈保國之道乎

冬十有一月己巳朔宋公及楚人戰于泓宋師敗績左

傳楚人伐宋以救鄭宋公將戰大司馬固諫曰天之棄商久矣君將興之不可救也已言不如救楚勿與戰弗

聽戰于泓宋人既成列楚人未既濟未盡泓水司馬曰彼衆我寡及其未既濟請擊之公曰不可既濟而未

成列又以告公曰未可既陳而後擊之宋師敗績公傷股門官殲焉門官守門者師行在君左右國人皆咎公公曰君子不重傷不禽二毛古之為軍也不以阻隘也寡人雖亡國之餘宋商紂後不鼓不成列子魚曰君未知戰勅敵之人隘而不列天贊我也阻而鼓之不亦可乎猶有懼焉且今之勅者皆吾敵也雖及胡考獲則取之何有於二毛明耻教戰求殺敵也傷未及死如何勿重若愛重傷則如勿傷愛其二毛則如服焉意林曰宋襄公不阨人於險不鼓不成列此天下之所謂仁義而春秋惡之以其好戰而不務本飾小名而妨大德此無異盜跖以分均為仁後出為義也君子不然正其義不謀其利修其道不急其功子夏為莒父宰問政於孔子孔子曰無欲速無見小利所謂欲速者遺本也所謂小利者計末也師氏曰宋襄非王者之德而慕王者之兵無霸者之術而貪霸者之業志大謀淺妄意要功以自取敗觀其敗齊師執滕子圍曹伐鄭連年暴師毒民以自

逞其欲其於仁義蓋亦遠矣及戰于泓方以不禽二毛不以阻隘為辭則區區之意不足以濟事適足以自敗矣楚以強暴干王畧故泓之戰雖曲王不能伐而使在宋辭無所與宋公稱及極貶之也

二十有三年

甲申

春齊侯伐宋圍緡

緡宋邑漢志山陽郡東緡縣今濟州金鄉縣

十九年諸侯盟于齊以無忘桓公之德宋志於霸獨不會召齊人共盟鹿上故今討之十八年齊亂孝公奔宋宋襄公受托孤之命率諸侯納孝公甫五年宋為楚敗孝公遽忘納已之德視之不救而又乘機加之以兵故伐圍並書以誅其惡也

夏五月庚寅宋公茲父卒

左氏傳傷於泓故也魯傳忘盟薄之信不會宋襄葬有

志於附楚也宋襄公卒成公羊臣立



秋楚人伐陳

左氏傳楚成得臣帥師伐陳討其貳於宋也成得臣子玉遂取焦夷城頓而還  
焦今

譙縣也夷一名城父今譙郡城父縣  
二地皆陳邑頓國今汝陰南頓縣

冬十有一月杞子卒

左氏傳杞成公卒書曰子杞夷也杜氏注杞入春秋稱侯莊二十七

年繼稱伯至此  
年卒乃貶稱子

二十有四年乙酉春王正月

夏狄伐鄭

二十年鄭人入滑滑人聽命後即衛鄭又伐之王使伯服游孫伯如鄭請滑鄭怨王與衛

滑也不聽執王使王怒將以狄伐鄭富辰諫弗聽使顏叔桃子出狄師夏狄伐鄭取櫟襄陵許氏曰鄭執王使

無王也王不能伐而使狄伐之天下何恃不亂近世如唐晉資外兵之力以定其國蓋不講於春秋戒襄王之

所以出也

秋七月 冬天王出居于鄭

王德狄將立其女隗氏為后富辰諫曰狄固貪惓王

又啓之女德無極婦怨無終狄必為患王弗聽同母弟王子帶又通於隗氏王廢隗氏顏叔桃子恐狄怨遂奉

叔帶以狄師攻王王適鄭處于汜音泛帶以隗氏居溫明年晉侯以王命次于陽樊右師圍溫左師逆王王入

于王城取大叔帶于溫殺之于隰城晉侯朝王穀梁傳天子無出失天下也王者無外言出則有外之辭居

居其所雖失天下莫敢有也難實出奔而王者無外王之所居則成王幾鄭不敢有之以為國常山劉氏曰春

秋之時王者政令僅行於境內才出畿內即非王有故曰出聖人撥亂反正則曰普天之下莫非王土故曰居

自周無出特書曰出者言其自取之也

晉侯夷吾卒

晉惠公以二十三年九月卒其子圉懷公嗣立今年正月秦伯納文公重耳二月入

于曲沃使殺懷公于高梁不書皆不告也杜氏以為文公定位而後告惠公喪春秋據諸侯策書赴告而作經也

二十有五年

丙戌

春王正月丙午衛侯燬滅邢

左氏傳衛人將伐邢

禮至曰不得其守國不可得也我請昆弟仕焉乃往得

仕二十五年衛人伐邢二禮從國子巡城掖以赴外殺

之正月丙午衛侯燬滅邢穀梁傳燬之名何也不正其

伐本而滅同姓也常山劉氏曰春秋滅國多矣惟衛燬

滅邢而生名之者滅同姓也禮諸侯不生名失地滅同

姓名以絕先祖之裔幾骨肉之恩故生以匹夫稱之示

王法不容誅也邢周公之胤也衛同所自出以小忿釁

而絕滅之又使其臣為詐詭傾覆之計故名之以同於楚

子庚之  
誘殺也

夏四月癸酉衛侯燬卒

宋蕩伯姬來逆婦

伯姬魯女為宋大夫蕩氏婦也自為其子來逆婦姑自來逆婦非禮也何

以書公自主之也諸侯嫁女於大夫主大夫以與之公自主之亦非禮也伯姬之嫁不書蓋內女雖親體不敵則不書於策所以尊君也今君失其禮以愛易典主大夫之昏是自卑朝廷而慢宗廟非安上治民之節也

宋殺其大夫

稱國以殺不以其罪也與莊公二十六年曹殺其大夫義同

秋楚人圍陳納頓子于頓

頓子迫於陳而出奔故楚圍陳以納之是中國諸侯不能

恤小國也

葬衛文公

冬十有二月癸亥公會衛子莒慶盟于洮

衛稱子在喪洮魯地莒小

國無大夫以公與會故進之時有衛子則無敵公之嫌慶不氏未命也

左氏傳衛人平莒于我十二月盟于

洮修衛文公之好且及莒平也

莒以元年鄆之役衛文公將平之未及而平成公追成父志降名以行事故曰

修文公之好

二十有六年

丁亥

春王正月己未公會莒子衛甯速盟于

向

杜氏注向莒地之號莒夷無諡以號為稱

左氏傳公會莒茲平公

茲平時居甯莊子衛大夫也

盟于向

尋洮之盟也

洮之盟甫及一月餘以非莒子親至故重盟焉所以致齊之討也

齊人侵我西鄙公追齊師至鄆弗及

鄆音哇齊地濟北穀城縣西有地名

鄆下

左氏傳討是二盟也蘇氏曰侵曰人追曰師不可言公追齊人故也

夏齊人伐我北鄙

齊孝公春方侵魯西鄙夏又侵魯北鄙故貶而人之

衛人伐齊

魯與衛盟于洮復盟于向齊以二盟伐魯故衛為魯伐齊

公子遂如楚乞師

左氏傳東門襄仲臧丈仲如楚乞師臧孫見子玉而道之伐齊宋以其不

臣也

言其不臣事周室可以此罪責而伐之

者何卑辭也

齊再伐魯懼不能支故公子遂如楚乞

師書者惡魯不能內修戎備而外乞師于遠以極罪為國者之無謀也使其能用展禽其政必有可觀者矣

秋楚人滅夔以夔子歸

杜氏注夔楚同姓今建平秭歸縣左氏傳夔子不祀祝融與

鬻熊

祝融高辛氏之火正楚之遠祖也

鬻熊祝融之十

二世孫

楚人讓之對曰我先君熊摯有疾鬼神弗救而

自竄于夔

熊摯楚嫡子有疾不得嗣位故別封為夔子

吾是以失楚又何祀焉秋楚成得臣鬬宜申帥師滅夔

以夔子歸

楚祖鬻熊夔祖熊摯諸侯之祀不過其祖

則祝融鬻熊是夔之不得祀者也楚反以是滅之夔國

滅虜服當名春秋以非其

罪也故存其爵而不名

冬楚人伐宋圍緡

左氏傳宋以其善於晉侯也重耳之出宋襄公贈馬二十乘

楚令尹子玉司馬子西帥師伐宋圍緡

公羊氏謂判道

以責

楚也

公以楚師伐齊取穀

左氏傳公以楚師伐齊取穀凡師能左右之曰以左右謂進退在已

寘桓公子雍於穀易牙奉之以為魯援莊公難本與孝公爭立故使居穀以偏齊楚申公叔侯成之為二十八年楚

子使中叔去穀張本齊同盟也楚踈狄也魯假踈狄之兵力以伐同盟而又取其邑春秋以實事書之而罪自見也公羊謂患之起必自此始魯不能修成備徒乞踈避之兵以犯強齊會齊侯昭卒晉文行伯幸而免爾

### 公至自伐齊

二十有七年

子春杞子來朝左氏傳杞桓公來朝用夷禮故曰子公卑杞杞不共

也余氏曰杞子來朝即位始來也書子以其棄周禮故也卒也則書子卒之來也則書子至之春秋之謹嚴若此

夏六月庚寅齊侯昭卒

左氏傳有齊怨不廢喪紀禮也



秋八月乙未葬齊孝公

二月餘  
葬速

乙巳公子遂帥師入杞

左氏傳入杞責無禮也今春杞子方來朝至秋遽帥師入之

杞之朝其儀禮縱有不共何故輒加之罪興兵以入其國亦虐甚矣故春秋書入以著魯之惡

冬楚人陳侯蔡侯鄭伯許男圍宋

左氏傳楚子及諸侯圍宋宋公孫固如晉

告急先軫曰報施救患取威定霸於是乎在矣狐偃曰楚始得曹而新婚於衛若伐曹衛楚必救之則齊宋免

矣於是乎蒐于被廬被廬晉地作三軍謀元帥趙衰曰卻縠可亟聞其言矣說禮樂而敦詩書乃使卻縠將中

軍程氏傳楚稱人貶之為其合諸侯以圍宋也穀梁傳楚人者楚子也其曰人何也人楚子所以人諸侯也其

人諸侯何也不正其信夷狄而伐中國也微旨曰四國仲夷狄之戒歷中國之義其惡大矣若書楚子則四國

之惡不著故書曰楚人則從夷狄之罪昭然可見也

十有二月甲戌公會諸侯盟于宋

杜氏注諸侯伐宋公與楚有好而往會之

非後期宋方見圍無嫌於與盟故直以宋地胡氏傳春秋於宋之圍人楚子以貶諸侯而公會之公之罪亦著矣

二十有八年

巳春晉侯侵曹晉侯伐衛

杜氏曰再舉晉侯者曹衛兩來

告急

左氏傳二十七年冬楚子及諸侯圍宋公孫固

楚始得曹而新婚於衛若伐曹衛楚必救之則齊宋免矣  
先軫晉下軍之佐原軫也前年楚使中叔殺以偏

齊二十八年春晉侯將伐曹假道于衛衛人弗許還自南河濟侵曹伐衛取五鹿衛地晉侯齊侯盟于斂孟衛

侯請盟晉人弗許初晉侯之出亡也曹衛皆不禮焉宋襄贈馬二十乘晉侯歸而立其志欲霸至是宋為楚圍適乘此機遂伐曹衛以解宋難恩怨並行晉文之志得矣然其規模狹隘非霸者之大舉時陳蔡鄭許魯皆從楚伐宋豈不可先伐乎聖筆雖以侵伐而亦書爵蓋善其救患也

公子買戍衛不卒戍刺之

左氏傳公子買戍衛公懼於晉殺子叢以說馬謂楚人不

卒戍也杜氏注公子買魯大夫子叢也內殺大夫皆書刺用周禮三刺之法  
周禮司刺掌三刺之法一曰訊羣

臣二曰訊羣吏三曰訊萬民注判殺也

魯附楚畏晉

故殺大夫以說強國戍衛本楚命詭言於楚不卒戍而殺之又以解於楚內殺大夫謂之刺不欲斥言殺以避惡名之辭也聖筆特書其實事以見殺無罪也其貶之也至矣

楚人救衛

左氏傳晉侯齊侯盟于斂孟衛侯請盟晉人弗許楚人救衛不克晉於衛有宿怨方怒

衛不假道又以其與楚新婚亦恐其非誠服于晉故請盟不許楚人救之欲其分兵力以解宋難也

三月丙午晉侯入曹執曹伯舛宋人

左氏傳晉侯入曹數之以不用僖負

羈而乘軒者三百人也且曰獻狀令無入僖負羈之宮而免其族報施也執曹伯分曹衛之田以舛宋人杜氏曰舛與也執諸侯當以歸京師晉欲怒楚使戰故以與宋所謂譎而不正蘇氏曰晉侯以不禮故私討于曹既執曹伯又以與宋人皆非義也書晉侯為入曹也既言晉侯入曹不可復言晉人執曹伯非以伯討許之也呂氏曰此一年記晉事最詳皆聖人所致意者觀晉文公舉動如此其有意於為善乎侵伐皆稱人貶之也晉侵曹伐衛乃伐楚與國以緩宋難也再稱晉侯不沒其爵善其救宋也其有意於攘夷狄尊中國以繼齊桓之

業乎至入曹仍以爵稱宋則  
貶而人之不可匹敵於晉也

夏四月己巳晉侯齊侯宋師秦師及楚人戰于城濮楚

師敗績

晉丈嘗受宋楚之施是時宋為楚圍晉於是不  
攻楚而攻楚之與國知楚之必救以解宋之圍

晉方圖霸坐視楚暴則霸權歸楚矣然必待楚之先動  
而應之則天下不謂我背惠食言其謀可謂譎矣楚子  
倦兵欲退師其剛躁而欲戰者子玉也先軫謀陰攜其  
黨拘其使以激怒之晉兵至于退舍其譎尤甚既以報  
德又以驕敵蓋先以逆料子玉之必不退也春秋以楚  
雖請戰而書及乃在晉侯由先軫激之是以書晉此誅  
必原情之義也昔齊桓伐楚致屈完召陵楚未大創故  
滅弦誘鄭終桓公之霸不能制楚患晉文公以楚不大  
創則不知畏故欲戰而勝楚以定霸業蓋自齊桓沒楚  
與宋爭霸會于孟戰于泓執其君圍其城數以寘宋宋

無霸略楚故侮之連年楚橫行侵暴逾甚良由中夏之無人故得以自恣及晉文奮起其規模素定善審去就侵曹伐衛兵威已震及城濮之役一戰遂霸自是楚人束手斂衽不犯中國者十五年晉文繼桓之業不旋踵而興可謂盛矣齊桓死于僖之十七年不踰年而楚與中國之盟晉文死於僖之三十二年直至文公九年楚方敢伐鄭其畏晉若此故晉之子孫終春秋之世相繼而霸也楚書人狄之也

楚殺其大夫得臣

楚子使得臣子玉也去宋曰無從晉師得臣請戰既敗王使謂之曰大夫

若入其若申息之老何

申息二邑子弟皆從子玉而死言何以見其父老至連穀而死王無赦故自殺得臣

自伐陳楚子立為令尹授以兵柄無非縱之以猾夏之事今楚子既知晉之不可敵不能使子玉勿敵而乃少與之師是棄其將而又棄其師也及其一敗而遂殺之故稱國以殺而不去其官罪累上也

衛侯出奔楚

左氏傳衛侯欲與楚國人不欲故出其君以說于晉衛侯出居于襄牛聞楚師敗懼

出奔楚遂適陳使元咺奉叔武以受盟春秋於諸侯出奔則名之衛侯不名責晉丈也必晉丈迫脅之也衛侯聞晉師勝故懼而奔楚丈公逐衛侯而立叔武使其兄弟相疑君臣交訟故曰衛之禍丈公為之也皆原於丈公鑿智自私而心不廣也

五月癸丑公會晉侯齊侯宋公蔡侯鄭伯衛子莒子盟

于踐土

左氏傳晉師還至衡雍鄭地今滎陽卷縣作王宮于踐土五月丁未獻楚俘于王駟介百乘徒

兵千鄭伯傅王用平禮也已酉王享醴命晉侯宥王命尹氏及王子虎內史叔興父策命晉侯為侯伯賜之大輅之服戎輅之服彤弓一彤矢百旅弓矢千諸侯賜弓矢然後專征代拒鬯一卣虎賁三百人曰王謂叔父敬

服王命以綏四國糾逖王慝晉侯三辭從命曰重耳敢再拜稽首奉揚天子之丕顯休命受策以出出入三覲杜氏注衛侯出奔其弟叔武攝位受盟從未成君之禮故稱子而序鄭伯之下三傳皆謂晉侯師還致天王屈尊下勞故經沒而不書非也天王避狄之難出居于鄭亦既五年諸侯未嘗救天王未嘗歸也晉文因破楚之威還過鄭地先會諸侯以朝天王然後導王北出諸侯前驅大駕徐渡不煩一矢而溫地之狄望風遁逃矣於是諸侯解甲而講朝會之禮天王耀兵而行蒐狩之事向之諸侯復從王而南王入京師諸侯又南圍許晉侯經略中外自今年之春自北而南夏自南而北冬復自北而南明年春復自南而北始歸于晉一年之中四過成周三傳但以爲召君以就其地誤矣

陳侯如會

杜氏注陳侯本與楚楚敗懼而屬晉來不及盟故曰如會公羊傳如會後會也陳侯蓋



達而復者言如會非晉強之也

公朝于王所

杜氏注王在踐土非京師故曰王所即王所在爾時晉率諸侯朝王于踐土公亦朝

故書于史

六月衛侯鄭自楚復歸于衛

衛侯畏晉奔楚今自楚歸于衛衛侯出而不名復歸

而名之其出也憫其為晉所迫其歸也罪其藉楚之力而又擅殺叔武也

衛元咺出奔晉

案傳初晉逐衛侯之不得反也於是立衛它人立恐衛侯之不得反也於是立衛

侯得反而疑其弟則曰叔武篡我元咺爭之曰叔武無罪衛侯終殺叔武其罪大矣元咺出奔晉愬其君也衛

侯歸之易以得叔武之賢在內守之故也

陳侯款卒

陳穆公卒

狄杞伯姬來

去年魯公子遂帥師入杞今年杞伯姬來伯姬莊公女也二十五年歸杞今其來寧

成風也志入杞之怨釋也晉文伯權之立諸侯弛兵而遂修族姻鄰國之好也

公子遂如齊

二十七年公以楚師伐齊取穀今年盟于踐土故公遣大夫聘之解仇惡而修舊好

皆晉霸之所致也

冬公會晉

文侯齊

昭侯宋

成公蔡

莊侯鄭

文伯陳

共子

莒

茲平父

子邾

文子秦

穆人于溫

左氏傳會于溫討不服也

討衛許杜氏注陳共

共

公稱子先君未葬宋襄公稱子而從本班今陳稱子降在鄭下陳懷公稱子乃在鄭上主會者次之也溫今河

縣內溫

天王狩于河陽

壬申公朝于王所

穀梁傳水北為陽山南為陽溫河陽

也

河陽古孟津地今懷州河陽縣說見前盟于踐土下

晉人執衛侯歸之于京師

晉侯惡衛侯元咺衛臣也故得以訟之于晉公羊傳衛侯

之罪何殺叔武也此晉侯也其稱人何貶曷為貶衛之禍丈公為之也丈公逐衛侯而立叔武使人兄弟相疑故乎殺母弟者丈公為之也襄陵許氏曰司馬法邦國賊殺其親則正之衛侯殺叔武則執有罪也何為不得為霸討天子在是而擅執諸侯軋矣是以推而遠之也

晉元咺自晉復歸于衛

元咺訟衛侯于晉晉執之歸于京師囚之元咺即歸衛立公子

瑕其歸何易也以文公主之也元咺自以晉侯必殺衛侯故歸而先立瑕安知魯為之請納玉十穀乃得釋元咺卒惟其禍以及公子瑕

諸侯遂圍許

會溫諸侯也許比再會不至故因會共伐之

曹伯襄復歸于曹遂會諸侯圍許

晉侯莖疾曹伯之豎侯孺貨莖史以得免

其歸不正矣名之者以其用賂而苟免也許近楚恐晉之威不足以庇已而德下足以懷楚是以果于不服

二十有九年

庚寅春介葛盧來

左氏傳介葛盧來朝舍于昌衍之上魯城東而有昌

平城公在會饋之芻米禮也杜氏注介東夷之國也在城陽黔甌縣今密州膠西縣地

葛盧介君名不稱朝不見公且不能行朝禮雖不見公國賓禮之故書

公至自圍許

圍許逾年而還不能服之也

夏六月會王人晉人宋人齊人陳人蔡人秦人盟于翟

泉

左氏傳公會王子虎晉狐偃宋公孫固齊國歸父陳轅濤塗秦小子憖盟于翟泉尋踐土之盟且謀伐鄭

也

晉侯始伯翼戴天子諸侯輔睦王室無虞而王子虎下盟列國以濟大典諸侯大夫上敵王人公侯斷種傷

殺敵諸大夫諱公與盟

杜氏注翟泉今洛陽城內大倉

西南池水也胡氏曰翟泉近在洛陽王城之內而王子

虎於此下與列國盟是謂上替諸侯大夫於此上盟王子虎是謂下陵而無君之心著矣諱公不書諸國之卿

貶稱人而王子亦與焉正其本也

秋大雨雹

雨去聲

左氏傳大雨雹為災也穀梁傳何氏曰雹者陰脅陽臣侵君之象陽氣之在水

雨則溫熱陰氣薄而脅之不相入轉而成電胡氏曰電戾氣也當時僖公即位日久季氏世卿公子遂專權政在大夫萌於此矣

冬介葛盧來

左氏傳以未見公故復來朝禮之

三十年

辛卯

春王正月

夏狄侵齊

齊孝公不能紹霸業故狄數侮之是時晉

丈稱霸坐視其憑陵列國而不問何耶書之者罪齊而譏晉也

秋衛殺其大夫元咺及公子瑕

左氏傳秋乃釋衛侯衛侯使賂周欽治厘曰苟

能納我吾使爾為卿周治殺元咺及子適子儀

子儀瑕

衛侯在外得釋志在殺元咺與瑕而後入瑕本辭位不欲立不為國人所惡故以公子冠之而稱及見瑕無罪

以元咺故延及而衛侯忌克專殺之罪著矣然瑕立於元咺非受命于天王傳國于先君故不曰君案傳三十

一年瑕齊楚三十二年楚令尹子上侵陳蔡陳蔡成遂伐鄭將納公子瑕瑕覆于周氏之汪軍傾覆池水出外

懷說也禽之以獻爾鄭惡瑕乃殺瑕以獻文夫人鄭文公夫人公之鄆城之下

衛侯鄭歸于衛

衛侯始歸殺叔武再歸殺大夫元咺及公子瑕忤害而專殺甚矣故名之以著

其罪始歸稱復以繼之也再歸不稱復絕之也而國非其國矣

晉人秦人圍鄭

左氏傳晉侯秦伯圍鄭以其無禮於晉且貳於楚也翟泉之盟鄭不至晉軍函

陵秦軍汜南佚之狐言於鄭伯曰國危矣若使燭之武見秦君師必退公從之夜縋而出見秦伯曰秦晉圍鄭鄭既知亡矣若亡鄭而有益于君敢以煩執事越國以鄙遠君知其難也焉用亡鄭以陪鄰鄰之厚君之薄也若

舍鄭以為東道主行李之往來共其乏困君亦無所害且君嘗為晉君賜矣許君焦瑕二邑朝濟而夕設版焉君之所知也夫晉何厭之有既東封鄭又欲肆其西封若不闕秦將焉取之闕秦以利晉唯君圖之秦伯說與鄭人盟使杞子逢孫揚孫戍之乃還子犯請擊之公曰不可微夫人之力不及此因人之力而敝之不仁失其所與不知以亂易整不武吾其還也亦去之王氏集傳箋曰晉侯為盟主用兵以報私怨秦伯踰晉越周千里而助人圍鄭皆勞民危國之道也故皆稱人以示貶

介人侵蕭

再來魯而次年遂侵蕭求援而後舉兵也與荆人之聘同

冬天王使宰周公來聘

左氏傳王使周公闕來聘高郵孫氏曰禮雖有天子聘諸侯之

義然義不當使三公書曰宰周公來聘用見周道之衰而諸侯彊盛也



公子遂如京師遂如晉

左氏傳東門襄仲公子遂也聘于周遂初聘于晉魯大夫將

如京始此自入春秋魯始聘晉凡遂者繼事辭爾皆以實書其褒貶即觀上下之丈乃辨之爾古之為禮賜君

子小人不同日况聘天子而乃可與諸侯同使哉實書其事而貶自見

三十有一年

壬辰春取濟西田曹高郵孫氏曰此蓋晉侯執

濟西之田嘗見侵于曹魯於是取之趙子曰凡力得之曰取不當取也惡其專奪雖復取本邑亦無異辭言雖

復魯之舊地亦與非其有而取之者同蓋無王命以正疆理者取之不以其道也況晉假公義以釋私憾乎

公子遂如晉

左氏傳襄仲如晉拜曹田也晉為盟主屢會盟又歸曹所侵田故使公子遂往行

聘禮也

夏四月四卜郊不從乃免牲劉氏曰郊用正月上辛則為卜我以十二月下辛卜

正月上辛如不吉則以正月下辛卜二月上辛如不吉則以二月下辛卜三月上辛如不吉則不郊公羊曰三

卜禮也四卜非禮也求吉之道三蓋魯郊三卜不從故又以三月下辛卜四月上辛又不從始不郊非至四月

始四卜郊也穀梁曰免牲者為之緇衣纁裳有司玄端奉送于南郊免牛亦然卜郊不吉免之明本為天不取

留天性免謂親之也

牲十月上甲始繫牲帝牲必在滌三月如不從則免矣劉氏曰郊歲事也六月上甲始庀

中禮曰牲不中禮曰牛夏后氏玄牲商人白牲周人騂牲天地之牛角繭栗宗廟之牛角握賓客之牛角尺穀

梁曰牛卜曰牲得吉日則牛改名牲成王以周公有大勲勞以天子之禮樂賜魯伯禽使祀后稷以配天故

記曰魯之郊禘非禮也周公其衰矣成王不當賜伯禽不當受也故魯用僭禮之郊終十二公莫有能行之者

或累卜而不從或先之以牛變示之天之警懼也  
至矣聖人即實事書之以志其僭因以示戒也

猶三望

望望祭也天子之事也天子不可遠屈凡天下山川百神無由徧及因望而祭之諸侯祭境內

山川必躬必親何得行望而祭之禮哉猶者言卜郊不從猶用三望之僭禮特書猶以譏之也三望公羊曰泰山河海鄭康成以河不在魯以為海岱及淮杜氏以為分野之星國中山川魯分奎婁之神三說之中意公所傳也

秋七月

冬杞伯姬來求婦

穀梁傳婦人既嫁不踰境杞伯姬來求婦非正也

二十五年蕩伯姬來逆婦三十一年杞伯姬來求婦皆小事也春秋何屢書之惡婦人預外事因書以示戒有國有家者不可不嚴閑有家之義也

狄圍衛十有二月衛遷于帝丘

衛遭狄患久矣昔為狄所滅齊桓救而封之齊

桓沒狄與邢假義伐衛狄又嘗侵衛自晉文興不復侵伐今復圍衛衛畏狄而遷都蓋晉文惡衛狄覘晉之必不救故敢肆行而無忌晉文既為盟主以邙同惡尊中國為事衛小怨而失大體何以為霸乎帝丘杜氏注東郡濮陽縣故帝顓頊之故墟故曰帝丘衛地也今開德府

三十有二年癸巳春王正月

夏四月巳丑鄭伯捷卒

捷公羊作接鄭文公卒穆公立

衛人侵狄狄衛人及狄盟

左氏傳狄有亂衛人侵狄狄請平焉秋衛人及狄盟杜氏

注不地者就狄廬帳盟胡氏曰再書衛人而稱及者所以罪衛也盟者中國諸侯之禮衰世之事已非春秋之

所貴況不耻城下乃即其地而刑牲歃血以要之哉  
與外盟而即其地實于是始唐德宗所以召平涼之辱  
春秋貶之以示戒也

冬十有二月己卯晉侯重耳卒

左氏傳晉文公卒

三十有三年

甲午

春王二月秦人入滑

秦穆公

因杞子來告欲謀鄭使三大

夫孟明西乞白乙出師千里襲之事不成而中道滅滑已滅而書入者不能有其地也滑滑國河南緱氏縣或曰晉邊邑或曰鄭邊邑

齊侯使國歸父來聘

左氏傳齊國莊子來聘自郊勞至于贈賄禮成而加之以敏臧丈仲

言于公曰國子為政齊猶有禮君其朝焉

夏四月辛巳晉人及姜戎敗秦于殽秦出師襲鄭不克晉與姜戎要擊之

殽間敗秦師晉襄欲繼文公霸業而與姜戎禦秦親未葬而墨繆經即戎忘親背惠其惡甚矣春秋不書晉子而書晉人舉之也秦為無道不哀其喪而越人之境志貪其利而襲人之國違大臣而信小臣以喪其師故止書秦狄之也

癸巳葬晉文公左氏傳晉子墨繆經敗秦師于殽遂墨以葬文公晉於是始墨

狄侵齊左氏傳狄侵齊因晉喪也

公伐邾取訾婁 秋公子遂帥師伐邾左氏傳以報升陘之役在二十

二年邾人不設備襄仲復伐邾杜氏注魯因晉喪以陵小國

晉人敗狄于箕

左氏傳狄伐晉及箕八月戊子晉侯敗狄于箕卻缺獲白狄子襄陵許氏曰自

三十年狄始侵齊晉未暇討自是列國歲有狄患至敗於此而後懲艾不復犯略是故強暴之來不能震疊以

威武則未易以德懷也杜氏注太原陽邑縣南有箕城

冬十月公如齊

左氏傳公如齊朝且弔有狄師也

十有二月公至自齊

自國歸父來聘臧文仲以其有禮而請公朝以比事屬辭觀之間晉

而虐邦所以因齊聘而朝之以自託也

乙巳公薨于小寢

杜氏注小寢夫人寢也譏公就所安不終於路寢君子貴於得正而薨

非正也

隕霜不殺草李梅實

隕霜而百草不死冬溫也惟冬溫故李梅實春秋書之記異與不時

也天道四時失序則人道必應之襄陵許氏曰僖公寬仁過厚其失也豫而丈公暗弱繼之其咎遂著三桓

之盛自僖公始卒以專魯

晉人陳人鄭人伐許

左氏傳晉陳鄭伐許討其貳於楚也

讀春秋編卷五



欽定四庫全書

讀春秋編卷六

宋陳深撰

文公

名興僖公子母聲姜諡法慈惠愛民曰文忠信接禮曰文

元年紀春王正月公即位

穀梁傳繼正即位正也

二月癸亥日有食之

公羊有朔字

天王使叔服來會葬

僖公夏四月葬而叔服二月來會先至何耶見王室弱而恐後期也

杜氏注叔氏服字諸侯喪天子使大夫會葬禮也

夏四月丁巳葬我君僖公

五月而葬內葬雖得禮亦書明臣子之義

天王使毛伯來錫公命

左氏傳王使毛伯衛來錫公命毛國伯爵斷毛伯字杜氏注諸

侯即位天子錫以命圭合瑞為信劉氏權衡曰錫命者何命為諸侯也諸侯在喪稱子踰年即位喪畢以士服

見於王王乃於廟命之古者五十而命至周喪畢則命馬喪未畢而命之非禮也既畢喪而不受命於天子亦

非禮也劉氏曰諸侯在喪稱子踰年即位終喪受命正也

晉侯伐衛

左氏傳晉文公之季年諸侯朝晉襄公既祥告朝使孔達侵鄭伐綿訾及匡晉襄公既祥告

于諸侯而伐衛及南陽先且音起居曰效尤禍也諸君朝王臣從師晉侯朝王于溫先且居胥臣伐衛五月辛

酉朔晉師圍戚衛邑六月戊戌取之衛數被狄之虐不能報伐止于為侵又俯就而與之盟既不朝晉又侵

與國此晉所以首伐衛經書晉之爵蓋亦與之也

叔孫得臣如京師

杜氏注得臣叔牙之孫左氏傳叔孫得臣如周拜高郵孫氏曰文公即

位未嘗如周而天子錫命公受命矣又不自朝而使得臣往其不臣可知矣

衛人伐晉

左氏傳晉圍戚取之獲孫昭子衛人告于陳陳共公曰更伐之我辭之見伐求和不競太

甚故使報伐示已力足以距晉主聲罪致討不自反其不仁無禮之辜乃稱兵以伐之

故書人辜孔達也

秋公孫敖會晉侯于戚

左傳晉侯疆戚田衛已故公孫敖慶父子會之杜氏注戚衛地

在頓丘衛縣西

冬十月丁未楚世子商臣弑其君頤

楚以夷僭王擅强暴凌蔑中國久矣

至顧在位四十六年之久尤肆其虐齊桓服之晉丈勝之稍戢楚用夷道徒知用兵衛外而不知治其內及城濮之敗其勢始沮內溺于愛訪諸令尹子上欲以商臣為太子子上諫以商臣有蠡目豺聲之忍不可立弗聽既而又欲立職而黜商臣而使江芊婦人知其情宜乎禍敗之及身吁積不善之餘殃而卒使反之于其子天之報施真可畏哉春秋書之不言其父而言其君稱世子以見有父之親稱其君以見有君之尊商臣於二者義絕也特書其惡使為君父者謹履霜之漸而為萬世之大戒也

公孫敖如齊

如齊始聘通嗣君也公孫敖修伯也

二年

丙申

春王二月甲子晉侯及秦師戰于彭衙秦師敗

績

秦孟明帥師伐晉以報殽之役晉侯禦之及秦師戰秦師敗績晉人謂秦拜賜之師

孟明前言三年特拜

君賜故晉人以此笑之

程子曰越國襲人秦之舉也忘

親背惠晉之惡也秦經人之國以襲遠雖憤無以為辭

矣故其來不稱伐晉不論秦而與戰故書晉及憤以取敗故書敗績

丁丑作僖公主

作主造木主也公羊傳主者曷用虞主用桑禮平明而葬日中而反虞練主用

栗

期年練祭也理虞主而階之間

用栗藏主也作僖公

主何以書譏不時也穀梁傳譏其後也作木主欲俾

神有所依故得象神而祭古者既葬作主于墓不終日而虞祭僖公薨已十五月方為主慢禮而忘親甚矣

三月乙巳及晉處父盟

左氏傳晉人以公不朝來討公如晉晉人使陽處父盟公以

耻之書曰及晉處父盟

以厭之也穀梁傳不言公處父仇也適不書公如晉穀梁傳不言公處父仇也適

為公諱也杜氏注處父為晉正卿不能以禮匡君而親與公盟故貶其族不地者盟晉都盟于晉都而公不出

恥甚矣故諱之

為敵正君臣之分也適晉不書反書不致為公諱恥存

臣子之禮也

夏六月公孫教會宋公陳侯鄭伯晉士穀盟于垂隴左氏

傳公未至穆伯會諸侯及晉司空士穀盟于垂隴晉討衛故也陳侯為衛請成于晉執孔達以說杜氏注垂隴鄭地滎陽縣東有隴城

自十有二月不雨至于秋七月

此志其不雨之始終也八月之雨不言可見趙

子曰夫子因舊史之書不雨告廟者則每時書之不告廟則通言之志其不敬以示義也

八月丁卯大事于大廟躋僖公

時祭稱有事祫祭稱大事公羊傳大事者大

裕也合祭也毀廟之主陳于太祖未毀廟之主皆升合食于太祖躋者升也升僖公譏逆祀也僖公繼閔之後是為人後也文公乃任情謂僖實閔之兄而躋僖公於閔之上以兄弟一家之私恩忘繼世天下之大統其躋制失禮甚矣書曰躋自下而上之謂也

冬晉人宋人陳人鄭人伐秦

秦嘗入滑侵晉晉襄敗其師至于一再可以已矣而

復會諸侯以遠伐報復無已殘民結怨故奪晉侯之爵而併諸侯皆貶以人

公子遂如齊納幣

僖公之喪未畢而使公子遂納幣于齊雖至四十一月方娶忌喪而行吉

禮以娶為急其哀戚之情為何如故特書以譏之

三年

丁酉春王正月叔孫得臣會晉人宋人陳人衛人鄭

人伐沈沈潰

左氏傳莊叔會諸侯之師伐沈以其服於楚也沈潰凡民逃其上曰潰在上曰逃杜

氏注沈國名汝南平輿縣北有沈亭晉襄圖霸盍先定規模再伐秦而又伐沈沈從楚固可臯曾不自求所

以紹霸之德政故春秋併與諸侯貶而人之

夏五月王子虎卒

翟泉之盟王人王子虎也左氏傳王叔文公卒來赴吊如同盟胡氏曰

王子虎不書爵譏之也天子內臣無外交以同盟而致恩禮是以私情害公義也

秦人伐晉

左氏傳秦伯伐晉濟河焚舟取王官及郊晉地晉人不出遂自茅津濟封穀尸而還秦

穆歸自穀而作秦誓然彭衙之及此役猶以報復為事豈非悔過之心不能勝其恥敗之心而至此乎秦伯書

人臯之也晉不出知其嘗再敗有必死之志而不與抗可謂善審事勢也



秋楚人圍江

左氏傳楚人圍江先僕伐楚以救江

雨螽于宋

左氏傳隊而死也公羊傳記異也螽飛至宋隊地而死若而隊

冬公如晉

左氏傳晉人懼其無禮於公請改盟改二年處父盟公如晉及晉侯盟

晉陽處父帥師伐楚以救江

左氏傳晉以江故告于周王叔桓公晉陽處父伐楚

以救江

門于方城遇息公子朱而還之帥也開晉師起而江兵解故晉亦還

子朱楚大夫伐江楚商臣有覆

載不容之罪而致患于江晉當乘此機以誅之大合諸侯聲罪以致天討始可以言霸矣縱未能誅之亦暴其惡於天下商臣何以立乎其上有圖之者矣遠攻強國而付之一大夫豈能濟乎

四年

戊戌

春公至自晉

夏逆婦姜于齊

程子曰納幣在喪中與昏喪同

也稱婦姜已成婦也不稱夫人不可為小君奉宗廟也  
趙子曰以成禮于齊故變文云逆婦以譏之不書逆  
女而書逆婦則成禮于彼是公親逆非卿逆也經不書  
公責其非禮也不待至魯而先往成婚于齊故書婦不  
告廟故亦不書至不復成  
其夫人之禮故不稱夫人

狄侵齊

狄自箕之敗至是始復侵齊

秋楚人滅江

左氏傳楚人滅江秦伯為之降服素服出次辟正殿不舉去威烈過數鄰國之禮有

數今過之大夫諫公曰同盟滅雖不能救敢不矜乎吾自懼也江之不祀晉襄不能為之遠謀也

晉侯伐秦

左氏傳晉侯伐秦圍祁新城以報王官之役程子曰秦逞忿以伐晉晉畏而避之其見報

乃常情也秦至此能悔過矣故不復報晉聖人取其能遷善也王官之役晉避秦師焚舟之說而不與戰可

謂得計今不忍而又報伐晉嘗伐楚救江未數月而江為楚滅是可怒也況楚商臣弑逆之賊晉襄坐視其夷滅小弱安在其為盟主也以春秋比事觀之上書楚人滅江次書晉侯伐秦見晉侯於可伐者不伐可已者不已聖人臯晉之意彰矣

冬衛侯使甯俞來聘

左傳衛甯武子來聘

冬十有一月壬寅夫人風氏薨

程子曰自成風已後妾母稱夫人自是嫡妾亂矣仲

子始僭尚未敢同嫡也陸淳曰亦書薨著其非禮胡氏曰風氏僖公之母莊公妾也而稱夫人自是嫡妾亂矣生以夫人之名稱號之其沒亦以夫人之卒葬之非所以正其分也禮庶子為君為其母無服不敢貳尊者也春秋於成風名以其實不為異辭者謹禮之變也

五年己亥春王正月王使榮叔歸含且贈鳳切杜氏注珠

王曰含含口實車馬曰贈連上文故不云歸某人含

子之命而歸諸侯妾母之含贈非禮也況含未斂時所

用成風死於十一月今踰二月矣無歸含之禮不稱天

王弗克若天也成風以妾僭嫡而王命之亂夫婦之倫矣故不稱天以譏之

三月辛亥葬我小君成風陸淳曰自葬成風之後乃有

雖聘而非惠公之嫡故特為宮而不祔于姑雖非禮典

之正猶有所別異至成風以來妾母皆葬乃有二夫人

祔廟魯之禮寢失正矣

王使召穀梁伯來會葬王使榮叔歸含贈又使卿會葬

施於諸侯妾母恩數有加非禮

也故王再不  
稱天以示貶

公孫敖如晉

王洵使大夫歸含贈會葬公不自朝王庭  
盍亦遣大夫往拜天子之禮不報而令公

孫敖如晉徒知畏  
盟主而忘其君也

秦人入郟

音若

左氏傳初郟叛楚即秦又貳於楚夏  
秦人入郟秦人入郟傳傳二十五年秦晉伐郟郟本在

商密秦楚界上小國其後遷于南  
郟郟縣今襄陽宜城縣有故城

秋楚人滅六

六國杜氏注今廬江六縣地譜壽州安豐  
縣有六國故城今屬安豐軍左氏傳六

人叛楚即東夷秋楚成大心仲歸帥師滅六楚公子燮  
滅蓼滅丈仲聞六與蓼滅曰臯陶庭堅不祀忽諸忽然

而亡德之不建民之無援哀哉六與蓼皆率陶後  
秦楚乃戎蠻經書入郟滅六著秦楚之彊盛也

冬十月甲申許男業卒

魯公卒昭公立

與

六年

庚子

春葬許僖公

夏季孫行父如陳

左氏傳臧丈仲以陳衛之睦也欲求好於陳夏季文子聘於陳且娶焉行

父季友之子也

秋季孫行父如晉

左氏傳季文子將聘于晉使求遭喪之禮以行聞晉侯有疾故其人從者

曰將焉用之文子曰備豫不虞古之善教也求而無之實難過求何害所謂文子三思

八月乙亥晉侯驩卒

左氏傳晉襄公卒靈公少晉人以難故欲立長君趙孟曰立公子雍

好善而長先君愛之且近於秦秦舊好也乃使先蔑士會如秦立公子雍

冬十月公子遂如晉葬晉襄公

晉殺其大夫陽處父

晉狐射姑出奔狄

射音亦一音夜射姑狐偃

子賈季也

案傳晉蒐于夷命狐射姑將中軍趙盾佐之太傅陽處父聘衛而至謂趙盾能乃以盾將中軍射

姑佐之射姑怨陽子易其班使續鞠居殺處父晉殺續簡伯賈季奔狄攷之穀梁氏處父密言於襄公易射姑

君漏言致射姑殺處父故春秋書晉殺其大夫罪累上也夫子贊易於節之二爻極言君臣慎密之戒此先書

殺處父次書射姑奔狄射姑何為奔也見殺處父者射姑也

閏月不告月猶朝于廟

告月告朔也經書閏月不告月明當告也猶朝于廟幸其猶存

朝廟之禮也即不許子貢去羊之意

七年

辛丑

公伐邾

三月甲戌

取須句遂城郛

郛

魯屢伐邾嘗取須句得而

邾失今間晉難又伐邾取須句因城郛以備邾郛魯邑卞縣南有郛城今屬襲慶府泗水縣

夏四月宋公王臣卒

宋人殺其大夫

左氏傳宋成卒於是公子成為

右師公孫友為左師樂豫為司馬鱗矐為司徒公子蕩為司城華御事為司寇昭公將去羣公子樂豫曰不可

公族公室之枝葉也若去之則本根無所庇廕矣葛藟猶能庇其本根故君子以為比況國君乎此諺所謂庇

焉而縱尋斧焉者也必不可君其圖之親之以德皆股肱也誰敢攜貳若之何去不聽穆襄之族帥國人以攻

公殺公孫固公孫鄭于宮六卿和公室樂豫舍司馬以讓公子邛昭公即位而葬劉氏曰其稱人以殺何衆殺

之者也昭公欲去羣公子而反為穆襄之族所殺公孫固公孫鄭于宮蓋僅然後勝爾胡氏傳書宋人者國



亂無政非君命而衆人擅殺之也大夫不名義繫於殺大夫而其名不貳紀也

戊子晉人及秦人戰于令

平聲

狐晉先蔑奔秦

左氏傳秦康公

送公子雍于晉穆嬴日抱大子以啼于朝趙盾與大夫患且畏偪乃背先蔑而立靈公以禦秦師潛師夜起戊子敗秦師于令狐先蔑奔秦士會從之劉氏曰此晉趙盾之師也其稱人何不與大夫專廢君也程氏曰晉始逆公子雍旣而悔之故秦興兵以納之晉不謝秦秦納不正皆臯也故稱人晉懼秦之不肯已而擊之故書晉及是晉人為志手足戰故書晉及書晉及秦戰不言敗者秦之納不正與晉逆公子雍旣悔之又謝秦皆臯然二國之兵晉曲尤甚故秦伯趙盾皆稱人而特以晉及書且不書秦之敗深臯晉之置君而不定也

狄侵我西鄙

襄陵許氏曰狄懲箕之敗四年間一侵齊而未肆至是始復侵魯侵齊侵宋侵衛晉

襄既沒莫之忌矣

秋八月公會諸侯晉大夫盟于扈

扈鄭地杜氏注滎陽卷縣西北有扈亭今

鄭州原武縣

左氏傳齊侯宋公衛侯陳侯鄭伯許男曹伯會晉趙盾盟于扈晉侯立故也公後至故不書所

會凡會諸侯不書所會後也程子曰文公怠政事多廢弛既約晉盟而復後至故書往會而隱其不及不序諸侯以見其不在故明年公子遂再往與晉盟靈公在抱以一趙盾而會諸侯春秋不書其名止書大夫若曰晉大夫俱同會也不與盾之專也

冬徐伐莒公孫敖如莒涖盟

左氏傳徐伐莒莒人來請盟見伐故欲結援穆伯如

莒涖盟已定而往臨涖之

八年

壬寅

春王正月

夏四月

秋八月戊申天王崩

襄王崩頃王立

冬十月壬午公子遂會晉趙盾盟于衡雍

雍於用切左氏傳晉人

以扈之盟來討襄仲會晉趙孟盟于衡雍報扈之盟也  
衡雍鄭地後漢河南卷縣有垣雖城古衡雍也與扈相

近臣征伐會盟專之自是政在大夫矣

乙酉公子遂會雒戎盟于暴

暴鄭地將命而出

公子遂以二事會趙盾甫二日

遂會伊雒之戎以戎而居洛邑天地之中逼近畿輔春秋兩書公子遂故特別之內外不可雜也

公孫敖如京師不至而復丙戌奔莒

左氏傳穆伯如周弔喪不至以幣奔

莒從已氏焉已氏莒女公孫敖受命以赴天王之喪棄君命而徒返是可臯也況志在淫放其臯可勝誅哉春秋書其慢王棄君忘哀廢命容其復而後奔著魯之無政刑也

螽

解見桓五年

宋人殺其大夫司馬宋司城來奔

左氏傳宋襄夫人襄

王之姊也昭公不禮焉昭公適祖母夫人因戴氏之族華樂皇皆戴族以殺襄公之孫孔叔公孫鍾離及大司

馬公子卬皆昭公之黨也司馬握節以死故書以官司城蕩意諸來奔效節于府人而出公以其官逆之皆復之呂氏曰守節以死者死其官也稱官以奔者得其職也昭公初立欲去羣公子而致殺大夫之變今又以不禮於君祖母致大臣或死或奔春秋皆以官書所以見六卿君所與圖政者司馬典兵之官而被殺則威權奪矣司城捍禦之任而出奔則君孤露矣故以國殺書之以臯昭公也

九年

癸卯春

毛伯來求金

書此與隱三年武氏子來求賻同義周室微弱王政不行貢賦

不入故國家遇喪則匱乏乃遣使求賻求金於諸侯以濟其用諸侯又不供其喪致使來求無君之甚矣當喪未君百官總已以聽於冢宰故不稱使然味聖師之微旨當時魯史必稱之聖筆削之也削之者不欲言天子使求金止言毛伯則似毛伯私求之耳求賻亦若是矣

夫人姜氏如齊

杜氏注歸寧

二月叔孫得臣如京師辛丑葬襄王

葬天王而公不往使大夫行失禮也

然此猶愈於不遣大夫者也

晉人殺其大夫先都

左氏傳夷之蒐晉侯將登箕鄭父先都登之於上軍夷蒐在六年而

使士穀梁益耳將中軍士穀本司空先克曰孤趙之勲不可廢也從之先克奪蒯得田於董陰七年晉禦秦師

于董陰以軍事奪其田先克中軍佐

故箕鄭父先都士

穀梁益耳蒯得使賊殺先克殺先克不赴故不書乙丑

晉人殺先都梁益耳益耳非卿不書稱國以殺者君與

大夫以政殺之也加之以人則殺之者不特君大夫必

有衆人與於其間書此見晉君幼而權臣擅殺無政刑也

三月夫人姜氏至自齊夫人歸寧禮也反至於廟禮也

姜哀姜數出則不至也

晉人殺其大夫士穀及箕鄭父左氏傳晉人殺箕鄭父

士穀蒯得蒯得非卿不

書凡殺二大夫或三人不書及其臯均也書及者因殺是人而并及之也所以著臯輕不當殺也先都士穀

箕鄭父使賊殺先克以作亂固可臯然經不以討賊之辭書之何也蓋靈公幼趙盾專先克為中軍佐盾之黨也三人者忿盾之專欲先翦其羽翼以自強故殺先克春秋以其有所為故書人而不去其官書及是其臯輕者寧不可從末減乎而皆殺之是大夫之專生殺也

楚人伐鄭公子遂會晉人宋人衛人許人救鄭

左氏傳范山楚

大夫言於楚子曰晉君少不在諸侯北方可圖也楚子師于狼淵以伐鄭因公子堅公子龍及樂耳

三子鄭大

夫鄭及楚平公子遂會晉趙盾宋華耦衛孔達許大夫救鄭不及楚師卿不書緩也以懲不恪楚自城濮之敗不敢窺中國者十五年聞晉襄卒而幼君立遂伐鄭趙盾秉晉之政志欲攘楚帥諸大夫之師救鄭而緩不及事及鄭而楚囚鄭公子而去惜乎盾志不恪不能乘機以撲楚之焰而使之知所畏憚也故春秋悉皆人之

夏狄侵齊

因諸大夫救鄭緩而玩敵故至夏而狄侵齊傳以夏楚侵陳克壺丘經不書皆晉之失也

秋八月曹伯襄卒

九月癸酉地震

天動地靜常也今地動則異矣蓋陰盛極而動陰陽不兩大陰盛則陽微君弱

臣強之應也

冬楚子使椒來聘

楚始以州舉狄之也及來聘始以人稱嘗一會諸侯以爵書亦漸而進之

也自是止稱人至此君書爵而臣書名與諸侯同蓋聖人不輕絕人以其來聘而嚮慕中國則進之而不拒也

張主一曰伐鄭而聘魯亦遠交近攻之意也

秦人來歸僖公成風之襚

衣服曰襚不稱夫人聖筆所定杜氏以為從來者辭非也



此書法亦猶書王使宰咺來歸惠公仲子之賵之辭也  
此書僖公成風蓋妾母繫子之義成風卒已五年何秦  
人始來歸祔雖相去之遠寧無耳目以知之嘗度秦人  
之意欲遠交於魯行聘則不欲自卑故詐以為不知成  
風之喪已父姑致其  
祔結好以親之也

葬曹共公

無傳

十年

甲辰

春王三月辛卯臧孫辰卒

大夫書卒係國之重輕者則書臧文仲雖

非賢者亦魯之名大夫其卒也固宜書然自莊公末年  
文仲已與聞國政四十餘年不聞治效夫子所謂其竊  
位者與知柳下惠之賢而不與  
立也不祥之實蔽賢者當之

夏秦伐晉

左氏傳秦伯伐晉取北徵縣屬馮翊程子曰  
晉舍嫡嗣而外求君罪也既而悔之正也秦

不顧義理之是非惟以報復為事故春秋惡而外之也  
趙子曰吳楚舉號賤之也諸侯稱國外之也穆公悔過  
見於誓言康公不  
紹孫謀故反其初

楚殺其大夫宜申

宜申子西也為工尹與子家謀弑穆

之賊討宜申而書曰楚人殺宜申而以國殺又不去其  
官何耶蓋穆王即楚世子商臣者弑逆之罪人人所得  
討也

自正月不雨至于秋七月

一時不雨則告廟告廟則書  
文公怠於政無閔雨之心不

告廟故直併

三時言之

及蘇子盟于女栗

女音栗左氏傳頃王立故也杜氏注頃王  
新立與魯盟親諸侯也陸氏纂

例曰公及之也不書公諱獨與天子大夫盟也呂氏曰天子內臣無外交與之盟非也

冬狄侵宋

楚子蔡侯次于厥貉

楚狄侵宋諸侯不能救楚子與蔡侯次于厥

貉將以觀宋之弊而乘之也楚於宋仇國常爭盟而晉救宋敗楚今陳鄭會楚子將以伐宋宋華御事見幾乃逆楚子遂相與田孟諸宋楚既和陳鄭自過楚子獨與蔡侯次于厥貉將以致毒于人也楚今稱子至明年伐麋亦以爵書亦自是與中國等外之強則中國衰矣蔡書侯愧其以中國諸侯而從夷狄也中國

十有一年

乙巳

春楚子伐麋

左氏傳十年厥貉之會麋子逃歸春楚子伐麋成大心子

玉之子敗麋師於防渚麋地

潘崇復浮去聲

伐麋至于錫音羊又音昔六許氏曰楚侵伐書子始此中國日替

矣

夏叔仲彭生會晉卻缺于承匡

杜氏注承匡宋地在陳留襄邑縣西今拱州襄

陵縣

左氏傳叔仲惠伯

叔牙之孫

會晉卻缺于承匡

謀諸侯之從楚者

九年陳鄭及楚平十年宋聽楚命

諸侯之所以貳楚者以不能自強亦以晉靈幼不能紹霸業趙盾雖專政無威令以服強楚故諸侯數被其患不得已從之承匡之會晉大夫不責己而又謀治諸侯之從楚者何不思晉文之為盟主其霸略何如耶

秋曹伯來朝

左氏傳即位而來見也音現

公子遂如宋

左氏傳襄仲聘于宋且言司城蕩意諸復之八年意諸來奔歸不書因賀楚師之不

害也

注年楚次殷駘將以伐宋

狄侵齊

冬十月甲午叔孫得臣敗狄于鹹

杜氏注鹹魯地左

氏傳鄭音搜瞞侵齊鄭瞞狄國名防風之後漆姓遂伐我公卜使叔孫得臣追之吉侯叔夏御莊叔得臣縣房

甥為右富父終甥駟乘冬十月敗狄于鹹獲長狄僑如富父終甥搯其喉以戈殺之

十有二年

丙午

春王二月邾伯來奔

左氏傳邾大夫鍾離來奔自安於夫音無鍾國

人弗徇邾伯卒邾人立君大子以夫鍾邾邾音圭來奔公以諸侯逆之趙子曰諸侯嗣位未踰年猶稱子豈有君父死而不喪身未即位以邑出奔而稱邾伯一何乖繆劉氏權衡意者邾伯去年卒大子今即位而不能自安遂出奔此乃成真邾伯矣以其即位日淺而或謂之大子而左氏則誤以為大子出奔泰山孫氏曰諸侯播惡失地皆名此不名者非自失國也案莊八年師及齊師圍邾邾降于齊師自是入齊為附庸此又來奔齊所偏爾故不名

杞伯來朝

杜氏注復稱伯舍夷禮

左氏傳始朝公也公即位始來朝

二月庚子子叔姬卒

也文公女故曰子以別非先君之子也左氏載杞伯絕婚事蓋誤以

成八年九年事妄置於此啖氏辨之詳且明矣

夏楚人圍巢

杜氏注巢吳楚之間小國廬江六縣東有居巢城今無為軍巢縣左氏傳楚成嘉

為令尹若敖曾孫子孔羣舒叛楚羣舒偃姓舒庸舒鳩之屬今廬江南有舒城舒城西南有龍舒夏子孔執舒

子平及宗子遂圍巢平舒君名宗巢二國羣舒之屬

秋滕子來朝

左氏傳亦始朝公也

秦伯使術來聘

左氏傳秦伯使西乞術來聘且言將伐晉襄仲辭王曰君不忘先君之好照臨

魯國鎮撫其社稷重之以大器寡君敢辭王對曰不腆敝器不足辭也主人三辭賓答曰寡君願徼福于周公魯公以事君不腆先君之敝器使下臣致諸執事以為瑞節要結好命所以藉寡君之命結二國之好是以敢致之襄仲曰不有君子其能國乎國無陋矣厚賄之張氏曰秦人以賄結魯魯亦厚賄答之賓主相與以貨利而坐視霸主之受兵此比事以書不待貶絕而惡見者也

冬十二月戊午晉人秦人戰于河曲

左氏傳秦為令狐之役故冬秦伯伐

晉晉人禦之史駢曰秦不能久請深壘固軍以待之從之秦伯謂士會晉士會七年齊秦壘曰若何而戰對曰

趙氏新出其屬曰史駢必實為此謀將以老我師也趙有側室曰穿晉君之壻也有寵而弱年少不在軍事未

嘗涉知軍事好勇而狂且惡史駢之佐上軍也若使輕去聲者肆焉暫往而退其可十二月戊午秦軍掩晉上

軍上軍不動趙穿追之不及反怒乃以其屬出宣子曰  
秦獲穿也獲一卿矣秦以勝歸我何以報乃皆出戰交  
綏秦行人夜戒晉師曰兩軍之士皆未慙也慙傷也明  
日請相見也史駢曰使者目動而言肆懼我也將遁矣  
薄諸河必敗之胥甲趙穿常軍門呼曰死傷未收而棄  
之不惠也不待期而薄人于險無勇也乃止秦師夜遁  
復侵晉入瑕河曲在河東蒲坂縣南陸氏纂例曰  
戰不書及交為主也程氏曰凡戰皆以主人及客秦曲  
故不言晉及前年秦伐晉春秋以秦惟事報復故外  
之至此秦又伐晉戰于河曲秦曲甚矣故不書晉及其  
黷武殘民則二國之辜同故  
秦伯趙盾皆以人書貶之也

季孫行父帥師城諸及鄆

諸魯邑今密州諸城縣鄆魯之東鄆今鄆州須城縣

莒魯所爭者以其遠徧外國故帥師城之及者別二城也春秋書大夫帥師城邑貶之也



十有三年丁未春王正月

夏五月壬午陳侯朔卒

不書葬魯不會共公卒靈公立宣十年遇弑

邾子遽蒞卒

左氏傳邾文公卜遷于繹史曰利於民不利於君邾子曰苟利於民孤之利也天生

民而樹之君以利之也民既利孤必與焉左右曰命可長也君何不為邾子曰命在養民死之短長時也民既利矣遷也吉莫如之遂遷于繹

五月邾文公卒君子曰知命

自正月不雨至于秋七月

說見二年十年

大室屋壞

公羊大作世也簡慢宗廟使左氏傳大室之屋壞書不共

室大廟之室也自正月不雨至七月無壞道也廟久不修以至于壞春秋志此以譏文公怠慢事宗廟猶不謹

若此其能修  
舉政事乎

冬公如晉

衛侯會公于沓

高郵孫氏曰沓之會公已去魯而未至于晉也

狄侵衛

十有二月己丑公及晉侯盟

公還自晉

鄭伯會公于棐

公羊作斐杜氏注棐鄭地左氏傳冬公如晉朝且

尋盟衛侯會公于沓請平于晉公還鄭伯會公于棐亦請平于晉公皆成之  
鄭術疏于楚畏晉固公請平公一

出盟晉往還與衛鄭會又為請平於晉公羊氏謂春秋善之

十有四年

戊申

春主正月公至自晉

邾人伐我南鄙

叔彭生帥師伐邾

左氏傳邾文公之卒也公使弔焉不

敬邾人來討伐我南鄙故惠伯伐邾余氏曰居喪而伐人與伐人喪其辜一也

夏五月乙亥齊侯潘卒

左氏傳子叔姬妃齊昭公生舍叔姬無寵舍無戚公子商人驟

施於國而多聚士盡其家貨於公有司以繼之夏五月昭公卒舍即位

六月公會宋公陳侯衛侯鄭伯許男曹伯晉趙盾癸酉

同盟于新城

新城宋地杜氏注在梁國穀熟縣西今南京應天府左氏傳同盟于新城從於楚

者服且謀邾也

從楚者陳鄭宋謀邾晉欲納捷菑纂例

曰此行會禮而又別日行盟禮故書日以謹之程氏曰

始會謀合而後盟盟者志同故書同

許自晉文圍之

不服襄公又嘗伐之今始與會盟楚自晉襄末年滅江

滅六已肆其暴趙盾秉政猶復伐鄭次貉圍巢其猾夏自若至十三年魯文朝晉衛鄭請平因招致久負固之

許會盟于新城稍修復齊桓之霸政然何足以方首止  
葵丘其如晉靈尚少大夫擅政故止書癸酉同盟于新  
城當時楚商臣弑逆之罪若此徒以強暴服人非晉大  
夫稍主此盟則諸侯不免畏而從之中國淪而為夷矣  
秋七月有星孛入北斗

孛彗星也狀如彗除舊布新之象其言入者斗有環域入其魁

中也北斗天之三辰綱紀之星貴星也孛以邪亂之

氣入其中春秋書之以紀異也左氏傳內史叔服曰

不出七年宋齊晉之君皆將死亂宋齊晉天子方伯中

國綱紀斗七星故曰不出七年至十六年宋人弑昭公

十八年齊人弑懿公宣二年晉趙穿弑靈公胡氏傳

此三君皆違道失德而死于亂符叔服之言天之示人

顯矣史之有占明矣

公至自會

晉人納捷菑于邾弗克納

左氏傳邾文公元妃齊姜生定公二妃晉姬生捷菑文公

卒邾人立定公捷菑奔晉七月晉趙盾以諸侯之師八百乘納捷菑于邾邾人辭曰齊出獲且長宣子曰辭順而弗從不祥乃還趙盾豈不知獲且正而長當立捷菑庶不當立何遽興師八百乘餘地千里至邾之城下待其辭然後知竊料盾之知必不如是之疏也蓋盾之欲伯示服義於諸侯也趙子曰弗克納言失之於初而得之於末也愈乎遂也陸淳曰晉帥皆有名氏書人何也廢置諸侯王者之事人臣專之罪莫大焉夫子善其聞義能徙故為之諱也凡事不合常理而小可嘉者皆以諱為善

九月甲申公孫敖卒于齊

公孫敖以罪奔莒何以書卒敖為魯大夫棄君命從莒女

失君臣父子兄弟之義竄身四年無所容於天地間死於旅而不獲歸春秋特書其卒著其迷於欲而忘反為

世戒也

齊公子商人弑其君舍

左氏傳秋七月乙卯夜齊商人弑舍齊人定懿公使來告難故

書以九月穀梁傳舍未踰年其曰君何也成舍之為君所以重商人之弑也陸淳曰聞之師曰春秋之作本懲姦惡也若未踰年之君被弑而不曰君則逆亂之臣皆以未踰年而肆其凶惡也故原其情以立此義高郵孫氏曰人子之心則未踰年稱子國人弑君則未踰年而稱君此春秋所以辨君臣之分而防篡弑之禍也

公子哀來奔

左氏傳宋高哀為蕭封人以為卿蕭宋附庸還升為卿不義宋公而出遂來奔書曰

宋子哀來奔貴之也陸氏微旨曰時奔者皆以有罪而子哀獨以宋公不義不貪其祿而去之出奔之美者春秋之所未有故書字以褒貴之也

冬單伯如齊

泰山孫氏曰單伯魯大夫至此猶見者蓋其子孫世爾張氏曰單伯魯大夫之命于

天子者自莊公元年至今已七十餘年未必一人或其子若孫與

齊人執單伯

齊人執子叔姬

齊商人弑其君舍子叔姬舍之母魯女也魯使

單伯如齊欲請以歸曰殺其子焉用其母商人怒為是而執之常山劉氏曰商人弑君之惡已顯而執叔姬之事聖人不獨罪商人也齊人不討賊俱北而事之又致執其君母齊之人均有罪焉故曰齊人執子叔姬劉氏妙旨曰兩稱齊人者彼雖專執聖筆兩執之正男女之別也況為國女雖同執之猶將異之云爾

十有五年

己酉春季孫行父如晉

左氏傳季文子如晉為單伯與子叔姬故也

魯不能及其閒暇以明政刑仗義興師討齊弑逆之梟而反因晉以求于齊晉欲繼霸亦不思討商人何以言

盟主也

三月宋司馬華孫來盟

司馬掌兵官也華孫宋督之孫華耦也來盟出於彼而自來盟

也不稱使非君命之也宋自僖二十一年被執之後久不與魯通問今華孫以其君無政自來結盟通好將以紓難宋大夫書於經者多矣惟三人以官舉見春秋與之也

夏曹伯來朝

十一年曹伯來朝今復至

齊人歸公孫敖之喪

左氏傳齊人或為孟氏謀曰魯爾親也飾棺寘諸堂阜魯必取之從

之卞人以告惠叔猶毀以為請立於朝以待命許之取而殯之齊人送之許氏曰以敖之醜奔而錄卒錄其喪歸春秋為之屢見於經者以文伯惠叔之哀誠無已也易曰有子考无咎書曰爾尚蓋前人之愆惟忠惟孝故



聖人以教  
著教焉

六月辛丑朔日有食之鼓用牲于社  
日有食之說見隱三年鼓用牲于社

說見莊二  
十五年

單伯至自齊

穀梁傳大夫執則致致則名此其不名何也天子之命大夫也單伯自齊至魯書

至是魯大夫明矣若以為周大夫何不言歸京師春秋何不舉齊之執王使也

晉卻缺帥師伐蔡戊申入蔡

新城之盟趙盾主之蔡不同盟故卻缺伐之然則禮

樂征伐自大夫出矣蔡從楚不與中國諸侯盟固可罪晉既伐之不待其悔過而遽入其國甚矣

秋齊人侵我西鄙

季孫行父如晉

左氏傳齊人侵我西鄙故季文子告

于晉 齊無故而侵魯故人之

冬十有一月諸侯盟于扈

左氏傳晉侯宋公衛侯蔡侯陳侯鄭伯許男曹伯盟于扈

尋新城之盟且謀伐齊也齊人賂晉侯故不克而還於是  
是有齊難是以公不會書曰諸侯盟于扈無能為故也  
劉氏曰諸侯何以不序不足序也欲治齊而後不能惡  
晉也惡晉而言諸侯何晉固諸侯之長矣亦諸侯之罪  
也胡氏曰八國之君不序略之也夫外裔然後略之君  
臣同辭而不分爵號曷為略八國等於外裔弑君之賊  
夫人所得討也故陳恒弑君孔子沐浴而朝告于哀公  
而請討今商人弑君晉與諸侯不奉天討受賂而退何  
以賢于外裔哉故書諸侯盟于扈分惡於諸侯也伯  
國合諸侯而謀舉事者將以圖功而成名也晉受賂而  
不舉則是求名而亡徒為盟會而已經不書晉  
但書諸侯兼罪之也盾之佐霸有愧於管仲矣

十有二月齊人來歸子叔姬胡氏曰不言齊子叔姬來者見子叔姬無罪齊人自絕而歸之爾春秋深罪齊人以商人為君而不知其惡故其執其歸與弑其君商人皆稱齊人深責之也張氏曰齊商人既弑舍而絕其母於齊故不以出夫人之例書之而書齊人深罪其國人也

齊侯侵我西鄙遂伐曹入其郭

齊賂晉以諸侯之不能見伐故又侵魯伐曹以

此年夏曹來朝魯也入其郭殆矣幾乎入矣公羊曰郭恢郭也城外大郭也

十有六年

庚戌

春季孫行父會齊侯于陽穀齊侯弗及盟

左氏傳春及齊平公有疾使季文子會齊侯于陽穀請盟齊侯不肯曰請侯君間弗及盟弗與盟也大國之

卿可以會小國之君不可以會次國之君齊侯以季文子不可以敵已故弗與盟魯請盟於齊蓋欲與齊平也夫公不自往而使季文子犯分而行安能平數年之隙遂為徒往以區區逆亂之齊文公不能自強以討之反為其侮命使則遭執辱時乎侵犯邊鄙以至自屈而與之平又不見荅益見魯之衰矣

夏五月公四不視朔

視朔即朝廟而告朔也文公怠於政自二月至五月不視朔也左氏

謂有疾託之也故聖筆不言疾而直書之自此不講告朔之禮致餘公不復舉行及定公時故夫子有愛禮存羊之論胡氏曰文公厭政備見於經閏不告朔朔不視無雨不閏會同不與廟壞不修作主不時事神治民之急也則其心放而不知求久矣

六月戊辰公子遂及齊侯盟于鄆丘

鄆音西公羊作犀丘穀梁作師丘

左氏傳公使襄仲納賂于齊侯故盟于鄆丘師氏曰納賂於齊而求盟其弱可知也而齊侯受賂以與遂盟則嚮之弗及季孫者亦豈以禮而卻之哉

秋八月辛未夫人姜氏薨

左氏傳聲姜薨杜氏注信公夫人文公母也

毀泉臺

左氏傳有蛇自泉宮出即泉臺入于國如先君之數自伯禽至僖公十七君此蛇妖亦十七也

秋八月辛未聲姜薨毀泉臺地妖自此出而聲姜薨故毀之劉氏曰魯人以為祥而毀之非明民之道也公羊

傳泉臺即臺也未成為即臺既成為泉臺先祖為之已毀之不如勿居而已矣

楚人秦人巴人滅庸

案傳楚大饑戎伐其西南又伐其東南庸人率羣蠻以叛麋人帥百

濮伐楚楚人謀徙於阪高為賈曰我能往寇亦能往不如伐庸秦人巴人從楚師羣蠻從楚子遂滅庸羣夷

乘楚饑而攻楚儻畏而徙則無以保其國矣用為賈之善謀制而服之可也秦巴從楚楚為戎首以滅鄰國罪可知也人三國而書滅庸惡之也

冬十有一月宋人弑其君杵臼

左氏傳宋昭公將田孟諸未至夫人王姬襄夫

人周襄王姊昭公祖母司城也

昭公不道襄夫人殺之而書宋人見衆欲弑

之也然以弑君之辜歸宋人則凡與於弑者當以輕重斷獄所以辨上下定民志也

十有七年

辛亥

春晉

靈

人衛

成

人陳

靈

人鄭

穆

人伐宋

左氏

傳晉荀林父衛孔達陳公孫寧鄭石楚伐宋討曰何故弑君猶立文公公子鮒而還卿不書經但書人失其所

也失其所討之罪

程子曰行天討而成其亂故貶之胡氏曰稱人賤之也

夏四月癸亥葬我小君聲姜

孫氏曰聲諡也九月而葬左氏傳葬聲姜有齊難

是以緩

齊侯伐我西鄙

西左傳作北齊盟于鄆丘甫

去年夏公子遂納賂於十越月齊又來伐我盟

可恃乎齊以強凌魯弱也

六月癸未公及齊侯盟于穀

左氏傳齊侯伐我北鄙襄仲請盟六月盟于穀齊

方伐我我未能報先及而與之盟魯服而求平也以鄆丘之盟公弗與而齊復來伐故親及盟也書此皆譏魯

也文

諸侯會于扈

左氏傳晉侯蒐于黃父遂合諸侯于扈平宋也公不與會齊難故也書曰諸侯無功

也劉氏曰諸侯何以不序不足序也其不足序柰何欲治宋而後不能也書諸侯會而不列略之也與十五

年盟于  
扈同

秋公至自穀 冬公子遂如齊左氏傳襄仲如齊拜穀之盟

十有八年壬子春王二月丁丑公薨于臺下穀梁傳臺下非正也高郵

孫氏曰薨非路寢皆不正也其曰臺下盖又甚焉

秦伯瑩卒秦康公卒子共公立

夏五月戊戌齊人弑其君商人左氏傳齊懿公之為公子也與邴歆音觸之父

爭田弗勝及即位乃掘而刖之而使馭僕納閭職之妻而使驂乘夏五月公游于申池二人弑懿公納諸竹中



歸舍爵而行齊商人驟施聚士以成弑舍之謀既立而天子不討諸侯容之故商人恣行不道反數數侵魯自以為莫敢誰何甫四年而禍起肘腋為二微者所弑卒自受其報出乎爾反乎爾理之常也然春秋之法仍書齊人弑其君者以商人君齊四年諸侯與之盟會不可不謂之君也殺之宜坐弑君之罪故書曰齊人弑其君商人此春秋懲篡弑塞禍亂之源也

六月癸酉葬我君文公 秋公子遂叔孫得臣如齊左傳

襄仲莊叔如齊惠公立故且拜葬也

冬十月子卒

左氏傳文公二妃敬嬴生宣公敬嬴嬖而私事襄仲宣公長而屬諸襄仲敬嬴事襄仲故以子託

之襄仲欲立之叔仲惠伯不可仲襄仲見齊侯而請之齊侯新立而欲親魯許之冬十月仲殺惡及視襄仲殺

大子惡及其母弟視視

不書

而立宣公書曰子卒諱

之也仲以君命召惠伯襄仲詐以子惡之命其宰公冉

務人止之曰入必死叔仲曰死君命可也公冉務人曰

若君命可死非君命何聽弗聽乃入殺而埋之馬矢之

中子之名左氏曰惡公羊曰赤未知孰是若如左氏

則亦晉師服所謂異哉君之名子也子般書名而此不

書文公已葬故不名也胡氏曰在喪稱子繼世不忍當

也既葬不名終人子之事也踰年稱君緣民臣之心也

不日史闕之也不地見其弑也上書公子遂叔孫得

臣如齊後書夫人姜氏歸于齊中曰子卒則知邪謀出

於使齊之  
二子矣

夫人姜氏歸于齊

左氏傳夫人姜氏歸于齊大歸也將  
行哭而過市曰天乎仲為不道殺嫡

立庶市人皆哭魯人謂之哀姜胡氏曰書夫人則知其  
正書姜氏則見其非絕於先君書歸于齊則知其無罪

異于孫邾者而魯國臣子殺嫡立庶敬羸宣公不能事主君存適母其罪不書而並見矣

季孫行父如齊

告宣公之立也沙隨程氏曰遂得臣行父三人皆與謀以其前後如齊而知之

也

莒弑其君庶其

張氏曰凡稱國以弑者蓋其君以無道為國人所弑而大臣坐視不能討皆當

誅不赦之罪也

左氏傳莒紀公生大子僕又生季佗嬖季佗而黜僕且多行無禮於國僕因國人以弑紀公

以其竇氏來奔季文子使司寇出諸竟

讀春秋編卷六